

Ad Serenissimum  
regem Poloniae  
Sigismundum




V. a. 4½.



*Praso 300.*

V.a. 4½



130

CIMELIA

~~VIII~~ 41.



AD SERE

NISSIMVM ET IN-  
CLYTVM REGEM PO-  
LONIÆ SIGISMVN-  
DVM AVGVSTVM LA-  
SCIVS SIVE DE POE-  
NA HOMICIDII, AN-  
DREA FRICIO  
MODREVIO

AVTHOR

RE



Cim. D. 130





AD SERE  
 NIS ET INCLYTVM  
 REGEM POLONIÆ,  
 MAGNVN LITHVANIAE DVCEM,  
 RVSSIAE PRVSSIAE MASOVIAEQVE  
 DOMINVM ET HAEREDEM, SIGIS.  
 MVNDVM AVGVSTVM SIGISMVNDI  
 PRIMI REGIS FILIVM, ANDREAE  
 FRICII MODREVII, IN LASCI-  
 VM SIVE ORATIONEM DE  
 POENA HOMICIDII,  
 PRAEFATIO.

P Etenti ædilitatem P. Cornelio Sapiai admodum  
 adolescenti in urbe Roma: quam olim pontiam res  
 rum non ignoras Sigismunde Rex serè imperasse orbi:  
 impedimento erant Tribuni plebis, quod nondum esset le  
 gitima ætate magistratibus gerendis & Reipub. capess  
 sendæ. Verum adolescens ille ut erat natura ad omnem  
 excellētiam factus, effecit magno sanè & rerum optimas  
 rum spei pleno animo ut ad unam tribus omnes se ædile  
 esse iuberent. Conuerterat salicet oculos uniuersi popu



li & ora in se Sāpio uel meritis maiorum suorum: quæ  
illorum summa in Remp. & recentia extabant, uel sua  
ipsius indole præclara, peridoneaq; ad ea gerenda, quæ  
honore ipso digna essent. Tibi uero Sigismunde Augus-  
te duodecim ferme annos nato regni huius amplissimi &  
harum ditionum fasces summo studio, magnoq; cuncto-  
rum ordinum consensu datæ sunt ac tributæ. Florebant tunc  
in hac Rep. sapientissimi & clarissimi uiri Ioannes Las-  
sæus: qui tum & sacrorum erat antistes summus, & pri-  
mas in hac Repub. ferebat: Christophorus Schidlouicius,  
Andreas Tananius: & multi præterea Senatores, quo-  
rum partim mortui sunt, partim adhuc uiuunt. Qui qui-  
dem omnes meritorum patris tui in Remp. commemorati-  
one, uerborumq; & sententiarum pondere & grauitate,  
de te inaugurando summa & incredibili omnium ordinum  
uoluntate transfegerunt. Putabant omnes rationem ha-  
bendam esse patris, & tui et patriæ huius uniuersæ. Vole-  
bant te quasi primogenitum eam cernere hereditatem quam  
pater communis omnium nostrum tenebat multos sane annos,  
& uero etiamnum tenet summa cum auctoritate. Valebat  
apud omnes memoria Reip. à patre sapienter adminis-  
trata: ualebant merita: ualebant beneficia. Consignaui-  
mus hæc (loquar enim tanquam una populorum omnium  
tuorum uoce) animis memoribus nostris, ad perpetuitatem.  
Est & ille in nobis ualidissimus tui respectus quod in te  
extant quasi generosi seminarii meliores notæ. Fortes,  
inquit Poëta, creantur fortibus. Spe enim illa minime du-  
bia tene-

bia tenemur omnes, fore ut te patre tuo dignum, admi-  
nistranda Rep. præstes: ut te, quemadmodum illum, uerè  
& ex uirtute patrem patriæ appellare possimus.  
Non pœnitebat olim populum Roma, suffragia iniuisse  
mandanda ædilitate Sapioni: quod ille quamuis adole-  
scens, res tamen pro Rep. tantas gessit ut expectationem  
de se omnium non sustineret modò, sed longè superaret.  
Itaq; Romani monumentis omnis generis consecrarunt  
memoriam illius, & post de uirtute Africani cognomen  
illi fecerunt. Quamobrem tibi quoq; Rex omni cura, om-  
niq; animi impetu in Remp. atq; in patrias uirtutes est  
incumbendum: ut te non modò in tantum regnum &  
tam amplas ditiones successorem uideamus: sed etiam in  
uirtutes paternas. Habes domi tuæ plurima exempla ti-  
bi proposita ad imitandum: eorum quidem, qui continuo  
ans regijs honoribus, apud nos persundi, tibi huc ipsum  
honorem soboli suæ per manus tradiderunt. Horum ti-  
bi & bellicæ uirtutes & togatæ sunt exprimendæ, des-  
figendi oculi atq; animus in exemplum hoc paternum  
præclaris uirtutibus cumulatam. Qui quidem pater  
tuus uerissime te ad sui imitationem inuitare posuit issdem  
uerbis, quibus Aseaniū suū inuitabat Aeneas Virgilianus  
Disce puer uirtutem ex me uerumq; laborem.

Et postea.

Tu factò mox cum matura adoleuerit ætas:  
Sis memor & te animo repetentem exempla tuorum  
Et pater exatet, & seniorum regius ordo.



Itaq; si exemplum patris cum ijs præceptis philosophiæ,  
quibus à puero operam nauasti, coniunxeris (ut certè  
coniungis) mirabilis profectò in te uirtutis amores non  
dubitem exatari. Vndè enim perfectiorem iustitiæ ad-  
ministrandæ rationem petas, unde fortitudinis in rebus  
arduis & difficilibus, unde moderationis animi, unde pa-  
tientie in aduersis, unde constantie in duris & asperis  
rebus quàm ex patre hoc & tuo & patrie huius cun-  
ctæ & quem ætas & rerum plurimarum usus erudiuit, &  
ad maximas res peragendas uerissimis præceptis & con-  
silijs idoneis instruxit. Itaq; & bella eius auspicijs con-  
fecta uidimus multa: & quod uirtute tanti prinapis est  
dignissimum, non pauca ab his ditionibus auersa. Ni-  
hil enim huic patri patrie est antiquius quàm tranqui-  
litate populorum suorum, quoties atra sanguinis effusio-  
nem licet, consulere: nullamq; nec pecuniarum nec rerum  
aliarum iacturam tanti facit quàm populorum cœlitus  
fidei suæ commissorum ac creditorum. Sed tu hæc me-  
lius, ut spero, quotidie uides qui à patris latere ferè non  
discedas. Tu uerò magnum sanè, inter cætera, spectamen  
uirtutis & indolis tuæ dedisti cum annos ferè XVI. na-  
tus in conuentu ab hinc quinquennium Petricouie habi-  
to, de poena homidiij id ex tempore dixisti, quod nemo  
ab illa ætate expectaret. Narrabat id sepe Erasmus  
Creticouius Senator, summus & spectatus uir, qui uocem  
illam tuam exceperat. Narrabat, inquam, magna audie-  
ntium, cum uoluptate. Nihil enim nobis uisum est ap-  
tius,

tius, Senatu ac Equitibus tanquàm fidibus discrepantibus,  
quàm uocem illam quasi mediam orationis tuæ appone-  
re toti harmoniæ formandæ, temperandæ, & ad medios  
critatem traducendæ. Enimuerò tuum est hoc ô Rex,  
ut sententijs distractis, ueluti acibus pugnantibus te me-  
dium inferas: offensiones tollas: discordiarum semina  
extirpes, quæ quamdiu extabunt, nulla firma concordia  
& diuturna extabit. Dixisti olim sententiam & adoles-  
cens & extra ordinem: nunc uerò à te & annorum  
accessione & rerum experientia aucto quid probi om-  
nes & publicæ pacis amantes expectent, uides. Profectò  
te non decet ut in ultiores conuentus tantam rem pro-  
ferri patiare: quæ Reip. firmamentum & robur potissi-  
mum ab omnibus iudicatur. Fac igitur per Deum im-  
mortalem ut quemadmodum tu patriæ debes cuius gu-  
bernationi diuinitus sis delectus: sic illa uiasim tibi debe-  
at, dum salutem tibi suam uiderit cordi esse. Nec unquã  
debes sperare aliquid præclari foris aut domi te pera-  
gere posse, nisi hoc fundamentum in Rep. tanquàm nauis  
qua omnes uehamur tecum, posueris. Mibi quidem illud  
quod plus quàm pro ætate, homidiij plectendi causa di-  
xisti, de cœlo delapsum in animum tuum uidetur: uide  
igitur ne desis cœlesti instinctui. Sed tu orationem no-  
stram legens facile sententiam tuam recognosces. Ego  
quidem ea scribenda non putauì certè aliquid eximij ac  
splendidi à me præstari posse: Sed hæc reuolui obseruã-  
tiam in te meã & in Remp. declarare. Plurà alij & pos-  
tiora



tiora uel cognitione usq; rerum uel elegantia uerborum  
maiore præditi, præstabunt: nos scdmus quod potuimus.  
Te uero Rex & humanitas tua præstans hortatur, &  
benignitas regali genere digna, ut boni consulas officio  
nostrum: nec rem species ipsam, quæ admodum exi-  
lis tibi à me offertur: sed uoluntatem dantis egregiam,  
obscurantiamq; in te summam & sempiternam. Det  
tibi Dominus spiritum suum Rex inclyte & populis tuis  
ut & tu iuste ac sapienter regere et illi quod è

Rep. fideq; sua sit rectè ac prolixè facere  
possint. Vale. Calendis Ianuarijs.

Anno à Christo nato.

M. D. XLIII.



## ANDREÆ FRICII MO- DREVI LASCIVS SI- VE DE POENA HOMICIDII

**S**I quis cū animo suo veterem stu-  
dioforum morē erit recordatus,  
licuisse illis de re qualibet honesta  
in utramuis partem disputare scri-  
bereq;: hunc opinor cum humanitate ac be-  
neuolētia lecturum esse hæc cogitata nostra,  
quæ de homicidii pœna congestimus in hoc  
breue scriptum. Neq; ego profectò is sum  
qui putem me uel natura, uel doctrina, uel  
facultate dicendi tanta præditum esse, quantā  
desideret hæc causa: agnosco enim me ab om-  
ni re esse imparatissimum: Sed cū in causa  
honestâ putarem honestè vnumquēlibet ver-  
sari, neq; conatum eius ob id iure reprehendi  
posse, sperabam etiā hoc meum scriptum sine  
offensione in manus hominum peruenturū.  
Neq; despero, fore aliquos maiore doctrina  
& dicendi elegantia instructos, qui exemplo  
nostri argumentum hoc uel nostra sentētia  
tutanda, uel contraria asserenda, longè splen-  
didius ac maiore cū fœlicitate sint tractaturi.

A

Interea



Interea iurabit nos dedisse alijs scribendi oc-  
casionem. Hoc quidē dictum esto bonis &  
moderatis viris: alijs porro non aliud dicam  
quā licere eis prorsus non legere nostra. Ut  
autem oratio ipsa plus authoritatis haberet,  
nō eam tribuere visum est alicui ē suggestu,  
more eorum qui scholas habent, declamanti:  
sed potius alicui sententiam in Senatu suo lo-  
co dicēti. Neq; id sanē alicui viutorū: animad-  
uertere enim hoc, nō libenter viuos pati, ut in  
scenam veluti fabulam acturi producantur;  
sed ei qui ex hac vita discedens, omnibus ma-  
leuolis atq; obtrektoribus laudum suarum  
valedixit Hieronymo Lascio Siradię Pala-  
tino, summo & clarissimo viro, & in omni  
dignitate principi. Cuius quidem intempe-  
stua morte, quantam fecerit iacturam resp.  
Christiana, omnes intelligunt, qui presentes  
calamitates, & sequos horum temporū a Tur-  
cica immanitate excitatus fluctus oculis atq;  
animo cernunt: simulq; viri illius magnā se-  
dandis eiusmodi fluctibus atq; componēdis  
prudētiam longo rerum vsu collectam. Eum  
enim illum ego virum fuisse puto, qui omni-  
bus imperatorijs artibus atq; disciplinis mira-  
biliter esset doctus. Nam quid illi laudis aut  
glorię defuit artis militaris? quis vel animo,  
vel con-

vel consilio, vel vsu maiore in bellis admini-  
strandis est versatus? quis vidit plures gentiū  
mores, & vrbes: quis cum tāta nationum va-  
rietate tot tantāq; maximarū rerum habuit  
deliberationes? Itaq; nemo mihi omnium quos  
hec tulit etas ad Vlyssē illum πολύτροπον  
propius accessisse visus est pręter Lascium,  
Nam & illa consilia Vlyssis capite de Troię,  
& arces Iliacę nocte intempesta intrate, et p-  
quā difficultium rerum consilia inita atq; p-  
fecta, & in tot tamq; diuturnis erroribus in-  
numera pericula acuta: instar mē hercule mihi  
habere videntur rerum a Lascio gestarum,  
Qui cū se rebus turbulentissimis & maxi-  
mē dubijs Regum atq; Rerump, dedisset:  
necesse profectō habuit illis gerendis, varias  
& incredibiles adhibere cautiōes: variasq; p-  
locorum & negotiorum varietate induere p-  
sonas ut aliquando ad id quod statutum sibi  
esset atq; decretum, pueniret Neq; verō satis  
habuit Lascius christianum lustrasse orbem:  
eaq; ibi gessisse, quę digna essent fortissimo  
viro: nisi etiā instituta, mores, leges, & cōsue-  
tudines gētiū a nostra religione remotarū,  
in primis verō Turcarum, situsq; locorū in  
quibus habitāt illi, cognouisset, & penitus ha-  
buisset perspectos. Non est instituti mei ut in  
A ij presenti



presenti historiam illius texam: itaq; multa  
prudēs pretereo. Illud tantū à summis viris  
dictatum cōmemorabo, Lascium eā habuisse  
se peritiam rerum Turcicarum, vt inter pau-  
cissimos qui hodie viuūt, hic vnus fuerit ma-  
ximē aptus bello aduersus illos administrādo;  
eumq; fuisse in re militari veluti summū nau-  
tarum gubernatorem, qui nō modō tranquil-  
lo mari nauiculam, sed sequissima tempestate  
argonauticam nauim potuisset gubernare.  
Verū ille superatis his fluctibus, et hoc ter-  
rarū estu, portū iam tutissimū tenet: in easq;  
oras delatus est, quē eum omnibus rerum hu-  
manarum turbinibus curisq; laxarunt ac li-  
berarunt. Cuius quidē mortis opportunitatē,  
quis non meritō miretur, qui sit illius etatem  
in peregrinatioibus prope exactam medita-  
tus: Nam ex eo fere tempore, quo Ludoui-  
cus Hungarorum Rex generosissimus, Tur-  
cica inmanitate, fato est perfunctus, Hiero.  
Lascius perquā magna negotia, maximi con-  
siliij, nec fortunę minoris, administrabat. Gals-  
liam adiit. Daniam atq; Germaniam aliquo-  
ties peruagatus est. apud Turcā sedecies lega-  
tum egit. Domi rarissimē, nec nisi paucorū  
dierum hospes, perpetuus verō vel in itineris  
bus, vel in bellico apparatu, vel in ipsis bellis  
gerendis

gerendis. Itaq; cū totū hoc, à fatali illa die  
Ludouici Regi tempus cōsumserit, negotijs  
regū peregrē procurandis, cū difficilima pe-  
ricula sponte adierit, cū in gladiorū vibratu  
& hostico tubę sono toties sit versatus, cū  
nihil habuerit antiquus, quā pulchrā per vul-  
nera, Reip. causa, oppetere mortē: Tamen di-  
uinitus seruatus est, vt non alibi quā domi  
inter suos extremū fati diem sustineret. Nam  
cū ex Tracia ad nos reuertisset, ex illa lega-  
tione, quē illi vltimū humanorum operum  
fuit, eger quidem & admodum valetudinari-  
us: mortem animo forti & perlibenti, in ma-  
nibus amicorum, cum vitā cōmutauit. Mihi  
quidem foelix & perbeata visā est hęc mi-  
gratio illius ex hisce turbis, quibus illum ma-  
ximē implicatum fuisse constat, in quietem il-  
lam eternā: primū quia animo pacatissimo  
facta, & res humanas, quod non obscure pre-  
se ferebat, cōtemnente: deinde quia rebus om-  
nibus ad sanctē migrandum compositis: ad  
hęc q̃a cōspectis prius & valere iussis ijs qui-  
bus cū vixit coniunctissimē, vxore, liberis, &  
amicis: tum quod caput rei est. quia de medio  
& veluti de sinu et gremio ecclesię populorū  
Christi: neque illud est in solutus, quod  
iudicatum illi erat, vitam à castris & bellis



his turbis traducere ad tranquillitatem & ad  
politicam disciplinam: ubi cum studia & actio-  
nes suas ad Christi regulam formaret, tum  
hominibus fidei suae commissis prodesse. Quam-  
vis enim operam suam negotiis Regum exte-  
riorum ferè dicauerat: atque ad bellum hoc Tur-  
cicum, in spe vite quamdiu erat incumbere,  
ut in eo præclarum artis suae facinus, dignum  
quidem usu rerum a se gestarum ederet: Verum  
in colloquiis familiaribus, quæ cum amicis de-  
cumbens, sed spe valetudinis recuperandæ non  
nulla nixus, habebat: quibus frequens inter-  
eram: mirò mihi desiderio quietis & vite po-  
liticæ incensus esse videbatur. & veluti vir il-  
le sapiensissimus ex anclatis laboribus infinitis  
Fumum lithacæ suæ plus videre cupiebat quam  
foco luculento alieno delectari: Ita hic noster  
Ulysses et honoribus amplissimis & bellicis  
laboribus summis perfunctus, hunc sibi om-  
nium laborum fructum constituebat, ut vite  
reliquum domesticis ac politicis rebus admi-  
nistrandis consumeret. Ita quæ sepe de re fami-  
liari, de reip. optima forma, de legibus quibus  
illa potissimum contineretur, disputabat. Hanc  
verò, de qua scribere institui, legem de homi-  
cidijis severe puniendis, caput & firmamentum  
reip. potissimum iudicabat: neque rerum aliarum

recte

recte modum præscribi posse, nisi vita nostra  
ab importuna sceleratorum manu tecta: neque  
ad divinam humanamque legem aptiorem ho-  
miciidij poenam excogitari, quam capitali.  
Multa in eam partem (ut erat promptus sen-  
tentijs vel ex literis sacris vel ex profanis pro-  
ferendis) argumenta adferebat: quæ ego qui-  
dem meo arbitratu exposui in hac oratione.  
Audiamus ergo Hieronymum Lascium de poe-  
na homicidij in Senatu, magna omnium ordinum  
frequentia, rogatum sententiam suo loco dicentem.  
**VIDERE** cuique vestrum possem Rex incly-  
te, & Senatus amplissime, vosque nobiles &  
optimi viri ordinum omnium, male de rep. hac  
communi omnium nostrum parente mereri, si  
de legibus quibus illa et ab initio constituta est,  
& in hunc usque diem prosperis successibus gu-  
bernata parum pie honesteque sentiret. Ego verò  
post Dei Opt. max. religionem, cuius primam  
mentibus hominum natura insuit curam: quæ  
opinionem, nihil in rebus, sanctius esse iudico  
legibus ipsis. Frustra enim societates hominum  
inter ipsos colerentur: frustra hos ceteris &  
domicilia coniuncta moribus sepiemus, si  
religione summi Dei contempta, nullis insti-  
tutis, nullis de legum vinculis resp. detineta  
esset ac communita. Ac in tanto quidem bellorum  
tumultu



tumultu, in tot hostium incursionibus perpetuis, nulla mehercle ratione defendi resp. posset ac diu consistere, nisi primū domesticę omnium trāquillitati legibus consultum fuisset. Quamobrem quod resp. hęc nostra præter pacem publicam, qua domi fruitur, quamq; (vt in hac hominum peruersa cupiditate potest,) retinet foris, floreat etiā, & apud alios populos pro eo ac par est audiat, id totum ego secundum Dei beneficentiam triduo legibus ipsis: quarum iuxta præscripta, qui in magistratu sunt gubernant omnia. Sentio igitur de legibus patrię cuius filius sum honestissimē: quibus & conseruationem patrię tā diuturnam: et florem acceptum referre par est. Verumenimuerō sunt quedā in ijs, quę principio quidem causis grauib; & cōsilio etiā optimo constituta videri possint: at nūc tempus ipsum & abusus etiā non minimus exposcere et planē exigere videtur, vt illa ipsa corrigantur & mutantur, si florem hunc patrię nostrę constantē retinere, siq; integrū posteritatis volum<sup>us</sup> reddere. Et quoniā rogatus sententiā dico meo loco de pœna homicidij, quę so a vobis vt voluntate vstra fiat cūm pœnam vsitatam ostendero parum esse sceleris tanto accommodatam. Neq; id sanē fecerō studio

studio vel cōtradicendi vel nouandaru rerum. Sed cū in medium deliberatio cōsiliij capiti sit introducta, puto vnicuiq; nostrum libertatem datam esse, quod ē Rep. ducat si deq; sua dicendi. Quamobrem peto a vobis vt me cum beneuolentiā audiat, dum causas ppono, cur bonis viris, patrię huius filijs, ex omnibus quidem ordinibus permultis, pœna vsitata exacerbanda, ac omnino pecuniaria in capitalem cōmutanda esse videatur. Neq; continebitur oratio mea calamitatibus recensendis: quę innumere ex pœnę facilitate, dum caput hominis pecuniā soluere licet, in genus mortalium redundant: Sed quę vel apud externos populos, inter quos multum sum versatus, vidi & audiui, vel ex nonnulla lectione cognoui, vel experientia ipsa rerum magistra didici, ea quidem in præsentia quantum comodus potero exponere conabor. Sed antequam ad eam orationem veniā quę in pœnę pecuniarię versabitur reprehensione, videtur causę in primis exponendę & occasiones, propter quas pœna hęc sanē minuta si sceleris magnitudinem verē estimēs, fuerit principio cōstituta: vt deinde num eam in capitalem uertere, hac hominum malitia, sit necesse videre

B possitis



possitis. Profecto ita est Rex inclyte et Senatus amplissime vt homines, quò rerum initio ac veluti mudi incipientis viridi illi etati erant propiores, hoc facilius vel nulla, vel quamlibet exigua poena ab omni genere flagitij arcerentur. Nulla olim in ciuitate Atheniensem (quam vnā satis sit nominasse hic exempli causa) cum iam & rerum potita erat, & legibus optimis constituta: Nulla, inquam, in ea ciuitate poena pposita erat paricidis: quod antea scelus illud a nemine ibi auditum erat. Post vero malitia hominum nihil non audente, non est dubium poenam aliquam fuisse constitutam: ac subinde etiam moribus in peius ruentibus auctam atque exacerbata. In Rep. nostra, quantum ex annalibus inuestigare licet, non aliud poenae genus in homicidas excogitatum erat quam pecuniaria: eaque non maior quam Sexaginta marcarum monetæ nostræ; Post vero licentia hominum crescente, processum est memoria nostra ad marcas Centum: deinde cum hoc non satis esset peruersitati reprimendæ decretum est in homicidas vt præter poenam pecuniariam spatium vnius anni in custodia tenerentur: Sed ne hoc quidem satis visum est submouendo maleficio: itaque tenebris &

ima

10  
ima carceris parte custodia illa definita est. Ita mundo degenerate, aut potius hominum audacia in dies magis ac magis omnia sacra ac profana violante, supplicia maiora sunt constituta: quæ rerum initio, mundo veluti nascente, leuiores multo cum essent, magis tamen homines in officio continebant. Etenim ita rerum natura comparatum est, vt qui olim homines ferino victu, galeis agrestibus, & antris relicti, loca aliqua frequentare coepissent, domusque coniunctas, quæ nunc oppida vocamus, edificare, principio quidem nulli perinde rei studuerint, quam vt rudem terram recte proscinderent, eamque fructuosam sibi redderent: nec enim frequentiam illam diu colere possent, nisi quæ ad victum foret necessaria, primo curarent. Nullus tum luxus esse poterat in coetu illo recenti, victuque arido: nullæ diuitiæ. quisque pro sua parte in id vnicè incubebant, vt modum agri, qui forte sibi erat assignatus, quam optimè colerent: satis amplum laboris præmium referre se putantes, si terram subactam annuum ipsis victum suppeditaret. In eo igitur horrido victu, tantaque rerum inopia, non necesse erat multis legum repagulis, quibus homines ab vitijs arcerentur: sed constis

Bij tuebant



videbant tamen leges aliquas ad disciplinā &  
societatem illam retinendam. Quis igitur tū  
ab homicidio non abstinuisset vel sponte sua  
in victu illo & vestitu minimē delicato, uel  
pœna proposita mediocri in rerum omnium  
angustia? Ego sanē putarim in eo exordio  
rerum multam potius addendam fuisse pecu-  
nariam, cum neminem ad id facinus malicia  
procliuem esse intelligerem quā capitalē:  
curius etiam mentis perculsi homines faciliē  
ex nouis sedibus dispergerentur. Ac non du-  
bito maioribus nostris seu inde à primordijs  
nominis nostri, seu post multa secula gente  
multiplicata & in varias distincta vrbes. Nō  
dubito, inquam, hanc maioribus nostris rati-  
onem fuisse pœnæ pecuniariæ constituendæ:  
quod ea deterreri posse quēq; à flagitio tan-  
to videbant. Quæ enim natio hominum tam  
rudis vnquam fuit, tamq; rerum omnium im-  
perita, quæ vitam humanam exequari posse  
ullo precio diceret? Quis nostrum hanc no-  
tam maioribus nostris inustam velit ut sup-  
am ipsorum vitam quam maxima vi numo-  
rū posse persolui putarent? Sed ut dixi cum  
animaduertente talia tum hominum ingenia  
fuisse, ut vel per se etiam ac sponte sua, vel quā  
libet leuē

libet leuē pœna ab omni cede abstinere, pœ-  
nam tantum pecuniariam constituerunt: quā  
nō sustinerent, qui casu aut per imprudentiam  
(sciens enim ac volēs, qui id faceret, inauditu  
erat) hominē occidissent. Hanc & ego pœ-  
nam viri amplissimi existimem ips quoq; per  
imprudentiam, qui homicidium cōmiserunt  
subeundam. Nec enim iustum sentio ut deli-  
cta, quæ casu aduerso & nolentibus nobis fu-  
unt, eque puniantur ut illa quæ ex malitia  
& consilio animi destinata, proficiuntur.  
Deinde si quis defendendi sui causā hominē,  
qui prior illi mortem afferre paratus erat, oc-  
cidisset: eum quoq; aut vitata, aut minore,  
aut si forte vitandiq; sui necessitate eō fuis-  
set adactus, nulla omnino pœna afficiēdum  
puto. Id enim nobis natura inditum est, ut car-  
pit, iugulū, latera, vitam deniq; ipsam ab omni  
ni vi tueamur. itaq; & leges porrigūt nobis  
arma ad vim vi repellendam: & ipsa consue-  
tudo gladijs accingēdi latera nostra nō aliud  
cōmodi affert quā ut ab insidiatore repen-  
tino, quantū possimus nos tueamur, vitamq;  
nostram. Quod si necessitatis graue illud telū  
tantū putatur ut Dii quoq; paruissē illi tradā-  
tur, quā tandem mortalū generi excusationē  
B iij. putabi



putabimus iustiorē vitę alicui ferro ereptę,  
quā se non potuisse aliam expediendę sa-  
lutis suę rationē habere, nisi homine qui for-  
tē gladium animo occidēdi prior intentauit,  
necator. Omnino em̄ hanc nascentes nobiscū  
attulimus legem, vt vim vi à nobis propulser-  
mus: eam à Deo immortalī vnā cum animis  
hauitā habemus: ad eam impellimur natura  
duce: neq; aut ratione aut magistro pręeunte  
eam didicimus: sed quemadmodum nudi &  
rerum omnium indigētes in hanc lucē editi,  
instrumentis ad rem querendam augemur:  
ita ea lege imbuimur ad vitam & salutē tu-  
endam. Quod si capite puniendi essent qui,  
salute defendēda, cędem fecissent, ecquid tan-  
dem interesset quō minus latronibus petenti-  
bus vitam nostram, nos mactandos ultro tra-  
deremus: ecquid referret perire nos huius iu-  
dicio aut illius manus: siquidem occidēdum  
nobis sit iudicis sententia, quia nos occidēdos  
insidiatori non prębuissemus. Iam cum duo  
sint genera iniurię propulsandę, vnum per di-  
sceptationem forensem, alterū per vim: cenē  
ad hanc necessariō est confugiendum, illa de-  
sperata, ne, dum illam expectamus, antē no-  
bis poena iniusta reddēda sit, quā iusta ab  
homine

homine scelerato, iudicio repeti possit. Sit igi-  
tur hoc in primis positum in hac sententiā no-  
stra, non esse in fraude capitali ponendum, si  
quis ad vim & cędem faciendam, vi coactus  
impellatur. Proximum verō huic sit, ne cum  
quidem homicidio esse obstrictum, qui casu,  
nolens, contra mentem & sententiā suam (vt  
qui fortē tegulam ab alto demittat, in locum  
quem hominibus vacuum putabat) necem  
alicui attulisset. Eius sententię authorem ha-  
bemus vocem Dei immortalis, qui tale disci-  
men constituerit homicidiorum vt qui cogi-  
tato scelus hoc ac de industria fecisset, per in-  
sidiasue, morte poenas daret: vsq; eō quidem  
vt si vel ad aram Dei confugisset, inde tamē  
rapere ad mortē: Qui verō sine insidijs ho-  
micidium improuisum nec opinatū sed casu  
admisisset, is non interficeretur: (siquidem in  
manū illius Deus se tradidisse & impulsisse  
occisum fatetur.) Sed tantū in locum fu-  
geret tanquā ad asylum diuinitus cons-  
titutum. Sanciuit & illud Lex diuina, vt  
fur nocturnus impunē occidatur: diurnus  
non impunē. Tamen si leges. xij. Tabula-  
rum diurnum quoque si telo se defēderit, in-  
terfici impunē voluerūt. Atq; id quidem de  
cede

Exodi.  
xxi.

Exodi.  
xxij.



cede vel casu aliquo vel necessitate facta dici  
esto. Ceterum quis vitam hominum tanto o  
dio habet vt immanissimū paricidam vltro  
sponteque homines occidentem, per summam  
malitiam genus mortalium extirpare conan  
tem non excindere velit, ac ex omnium era  
tū temporūque memoria deleat. Sepe de gran  
dioribus natu audiui, illud in more maiorum  
nostrorū fuisse, vt si quis seu pecuniā mutuā  
seu quamlibet rem aliā vtendam alij dedisset,  
non opus ad id vllis inter eos syngraphis fuis  
se. Tantum absuit vt qui creditor esset caues  
ret à debitore aut iuris iurandi religione, aut  
nominibus factis, aut fideiussoribus. Sed aut  
elabat rem suam, arbitris semotis, presens pre  
senti; aut etiam absenti in sacculis numeratā  
pecuniā, ab vna in aliam ciuitatē mittebat;  
quam pecuniā debitor & accipiebat inte  
gram, & cum bona gratia referebat: Tanta  
& portitorum fides erat, & debitorum grati  
tudo. Nūc verò qd in pecunis mutuandis nō  
stipulamur? que nō exigimus chirographa?  
quas cautiones non excogitamus? quos non  
consulimus formularum cautores? Et ta  
men sit perscpe vt qui abs te mutuum accepit  
aut fidem non prestat, aut cum mala referat  
gratia

gratia, aut quod minimē fieri oportuit nō si  
ne hostilitate. Sed hoc nimirū est quod viri  
prudētissimi non de nihilo cōfictis, sed ē res  
ipsa sumptis olim fabulis prodiderunt: dum  
prīmam illam, qua homines nullis constricti  
legibus sed sponte sua fidem rectūque cole  
bant auream vocarent etatem; alteram deins  
de, vt priore deteriorem sic à metallo ignobi  
liori argenteam, post verò paulatim moribus  
in peius degenerantibus, & eneā appellaret  
& ferream. Volebant homines rerum huma  
narum peritissimi significare nō minorem in  
dies à pristina morum puritate in peius muta  
tionem fieri, quā ferrum cedat auro, precio  
atque nobilitate. Tanta igitur rerum mutatio  
ne quis quiesco non intelligat subinde & legi  
bus opus esse alijs, & pœnis etiā quibus ho  
minum malitia refrenetur grauioribus: deins  
de si in rebus ceteris, magnis quidem illis &  
ad societatem hanc retinendam pernecessarijs  
tot sunt leges nouę sancitę, tot itē veteres no  
uis exacerbate pœnis, cur non idipsum in no  
stra ipsorum tuenda vita, omnibus profecto  
rebus longo interuallo prestare effectum ve  
limus? Eo enim iam in hac Rep. multorum  
malitia processit, vt putes illos hostes esse hu  
C mani ges



mani generis perpetuos: in idē videas vnice  
intentos ut in quos libitum est eis seuiant: eos  
persequantur: ex edibus eiciant: deinde cum  
non grauius malū dare possint, miserabiliter  
trucidant. Quot enim paucis his annis reperti  
sunt maleficentissimi homines, imō immanis-  
sime belue, qui posteaquā alicuius exarsie-  
runt odio, non prius illud restinguere potue-  
runt, quā hominem nec accusatum, nec con-  
demnatum, imō nec opinantem, nec id vn-  
quam expectantem, præter ius omne & præ-  
ter magistratus edicta, crudelissimē manibus  
suis necarent. Possem multos hīc nominatim  
proferre vel amicos vel tribules, vel parentes  
vel filios vestros, vestrorumque hominum qui  
ab importuna sceleratorū manu uulneribus  
acceptis mortem teterrimam obierūt: possem  
rabiosas multorum impressiones in honestis-  
simos homines factas: possem strages, manu  
collecta, utrinque editas commemorare: sed non  
est instituti mei in re omnibus notissima cō-  
morari. At verō quas nam pœnas persol-  
uerunt pestes illę hominum flagitiū tantis dis-  
gnum quidem erat pœnam sceleri parem ef-  
ferac carnificinam illam vel exempli causa vel  
quia equum est merita punire morte: ut &  
ceteri

ceteri deterrentur ab hominibus necandis,  
& ipsis homicidis eadem dies peccandi finem  
afferret: quę & viuendi: verū posteaquā  
euaferunt, primam, qua in præsentī facinore  
capi poterant occasionem, prodeunt paucos  
post dies impunē in publicum: securi iam vi-  
te & rerum suarum. quid enim facias illis qui  
momēto patrati homicidij hominum manus  
effugerunt? Dies eis dicitur apud iudicē. Hic  
verō in eos animaduertit pœna visitata. Quo-  
tus autē quisque homicidarum est, qui vitans  
quod dependat pœnam Reip. & pecunia persol-  
uenda, & carceris cruciatu anni spacio perse-  
rendo? Multi amicis occisi placatis utranque  
euolarunt pœnam. Quid enim putatis homi-  
culos facere istos, qui sua tantum re tangun-  
tur: alienas & præsertim mortuorum res pa-  
rū ad se putāt pertinere. Verē enim dictū vide-  
ri potest, Nihil citius arescere lacrima: præ-  
sertim & in rebus alienis, & lucelli alicuius o-  
dore aspirante. Multi etiam a cede in exte-  
ros se conferunt: populos: atque inde cum lite-  
ris deprecatorijs, aut forte meritis cum aliqui-  
bus redeunt, vel utriusque vel alterius pœne  
remissionē obtinuerunt. Rarique sunt seu ho-  
noribus atque existimatione præstātes, seu gra-  
tia



tia florentes, seu amicorum consanguineorū  
q̃ potentum studijs stipati, qui legibus & iu  
dicio dederint pœnam constitutam Soli. ho  
mines vel ab amicis, vel ab honoribus, vel ab  
existimatione inopes, pœna illius sustinent  
acerbitatem. Et tamen qui pœna affecti sunt  
nihilominus fiunt meliores: imò seipsos etiam scelere  
deinceps superāt audaciāq̃. Inuenias enim q̃  
& multis postea paricidijs sese obstrinxerint  
& sint deinde ad omnia scelera atq̃ ad impe  
tendum homunculos imbelles longē audaci  
ores. Qui quidem si morte luisent cēdem a  
se indignissimē factam iisdem finibus audaci  
am interficiendi alios quibus vitam suam ter  
minassent. Quā igitur ex re sit omnīū qui  
se hancq̃ Rempu, saluam cupiant, quāq̃  
equum si supremo adficiantur deinceps sup  
plicio, qui primi hominem occiderunt puto  
verbis nō opus esse in re clarissima. Sed quo  
niam ingressus sum hunc dicendi campum  
iussu vestro atq̃ officio muneris mei, facien  
dum mihi existimo vt omnes, quātum in me  
sit, inuestigem eius rei causas: a vobis modō  
peto quēsoq̃ vt quod adhuc fecistis, benignē  
atq̃ attentē audiat̃ reliquam orationem: ef  
ficiam em̃ profectō vt omnes intelligatis, quā  
obrem

obrem, qui prior hominē obtulisset mortem;  
ipsum quoq̃ ad mortem vsque necessum sit  
multari. Si enim pœna quē iusta sit respon  
dere debet culpę eamq̃ etiam vt expiet equa  
re, nihil me hercle tam equabit homicidium  
quā si homicida morte multetur. Nulla em̃  
pecunia tanti est: imò etiam si res conferantur  
totius orbis terrarum in vnum, nullo modo  
tanti sunt vt contendere possint cum vita ho  
minis vnius: qui meliore sui parte sit particeps  
diuinitatis: qui imaginem opificis sui in se mi  
randum in modum habeat inculptam: qui  
non vt cētera seu animātia seu inanima, inor  
talia & caduca sunt, sed qui ex hac vita trans  
feratur ad domicilium beatorum: Cuius cau  
sa filius Dei opt. max. ē cœlo descendens, cru  
ci se suffigendum voluerit, vt eum reconcili  
aret patri suo cœlesti: deniq̃ cuius causa om  
nia quę vsquam in terris sunt, quęq̃ in cœ  
lis visuntur, condita sint. Iam verō quācū  
q̃ in partem vitę humanę contemplandę te  
conuerteris, quot dñj boni res mirandę in hoc  
opificio sese ostētabunt: Nouem menses ma  
ternis claustris septus, huic luci formatur: edi  
to in lucem lac in vberibus maternis, nutriē  
do, suggeritur: labore & anxietate parentum  
C iij      incredibili



incredibili educatur. Quis enim verbis expli-  
care satis queat quot & quanti labores fingē  
do hoc animali suscipiuntur? primum in in-  
fante viribus omnibus destituto quan-  
ti? deinde in adulciore densissimis ignorantie  
tenebris circumsepto qui & quanti? post hęc  
etatis accessione aucto, quis sufficiat vnus in-  
stituendo, crudiendo, ad humanitatem infor-  
mandor? quot artes vsurpandę fingendis mo-  
ribus illius & refingendis? quoties rogandus,  
monendus, castigandus, nonnunq̃ adulatione  
deliniendus? ac post tantos labores, tot curas  
& erumnas, vix tandē ad annos viginti na-  
tus, rebus gcrendis aptus esse videtur. Quo  
ferē tempore maximam solet lēticiam facere  
natus parentibus amicisq̃, & cunctę patrię:  
dum & illi sperant labores suos fructu etatis  
nati longioris compensatum iri: & hęc in spē  
cuiusuis rei ab illo bene gerendę ingreditur  
ampliorem: cupitq̃ videre vt homo tanto tē-  
pore, tot laboribus alienis, aliena cura & in-  
dustria eductus, ostendat in Rep. pro virili  
parte aliquid, quo declarat non sibi se natum  
esse sed parentibus, amicis, & Reip. Sed eco-  
ce tibi quasi in medio cursu homo maleficus,  
qui momento eripiat tantas spes nobis, occidit  
illum

illum alumnū: priuāt parentes, amicos, et  
totā rēp. sperato fructu. nūerat deinde (si forte  
quis exigat) marcas centū, & fortē molestias  
carceris aliquot septimanarū, perfert. an verō  
vobis videtur cū hac pœna cōpensari vita ho-  
minis occisi? in quo cōsummādo tot labores,  
tot calamitates sunt exhaustę: qui a deo filij, a  
Christo fratris habet loco: qui tot naturę be-  
neficijs auctus est & ornatus: in q̃ tot & tantę  
sint spes collocatę rerū benē gerendarū. Que  
igitur cū rāto opificio non marcarū centū no-  
stratū vinculorumq̃ vnus anni, sed rerū to-  
tius mūdi si in vnū conferantur cōtentio fieri  
possit? Que verō aptior pœna constituitur  
quā si rei capitalis damnētur oēs homicidę?  
Non hīc sanē hominū gradus cōstitui necesse  
est, nobiliū, plebeiōrūq̃, diuitū et tenuiū, do-  
minōrū ac ministrōrū. Ad gentes a Christi re-  
giōe alienas facessat illud decretū, vt dñs pote-  
ritas sit necis seruorū: alijs in negocijs valeat il-  
lud vt pluris sit paup̃e opulētus: Satis sit i hac  
Rep. nobilitati prerogatiuis gaudere multis  
vel in honoribus petendis profanis ecclesiasti-  
cisq̃, vel immunitatibus vectigaliū aliorūq̃  
onerum obtinendis. Ceterum in vindican-  
da legibus morte hominū ad exemplar dei  
C iij condis



conditorum, fratrum Christi & coheredum,  
ne sit quæſo discrimen vllum. certè nulla hu-  
mani generis pars propter discrimina huma-  
nitus constituta eſt negligēda. Cedat ſanè di-  
uiti pauper; nec cōtendat cum nobili plebei-  
us ordo: verum ſeruentur illi gradus in vitæ hu-  
ius commoditatibus percipiendis, atq; in vitæ  
huius dignitate: mortem verò per ſcelus cui-  
libet oblatam, nemo non iſdem pœnis perſe-  
quendam putabit, qui à Deo opt. max. & que  
plebeios ac nobiles, pauperes ac diuites, mini-  
ſtros ac dominos eſſe diligenter reputauerit;  
nec minus manere illos atq; iſtos hereditatē  
eternam. Hoc natura docet, ſimili omnes ho-  
mines opere condens: iſdem rebus indigos,  
in hanc lucem proferens: iſdem quoq; illos  
tum animi tum corporis dotibus ornās. Hoc  
vult naturæ author ille & conditor deus, om-  
nes ex æquo in ſpem ſalutis vocans & eterni-  
tatis. Hoc iubet magiſter noſter Chriſtus,  
qui cum ſuæ religionis iugo nos exequaue-  
rit, cum proximorum appellatione nos volu-  
erit omnes cenſeri, non minus perfectio nobis  
voluic pauperum, ſeruorum, plebeiorumq;  
vitam cordi eſſe quàm diuitum, dominorū,  
ac nobilitatis. Deniq; hoc poſtulat Reſpub.  
ipſa

ipſa mater omnium noſtrum: quæ quantum  
uis ex re ſua conſtituerit ordinum diſtinctio-  
nem, non aliter tamen ſalua eſſe poſſit ipſa,  
quàm filiorum quos genuit, eduxit, quos ſinu  
charitatis maternæ cōplexa eſt, quos vni mo-  
narchæ ſubiecit, ſalute & vitæ eodem modo  
tuenda. Quòd ſi in facinoribus aliorum cri-  
minum illam ſine vllò discrimine perſonarū  
conſtitutam habemus pœnam, vt non elui  
poſſint niſi capitis ſupplicio, cur non idem ſer-  
uiamus in ſcelere homicidij immaniſſimo?  
Fures cuiuſcunq; ordinis ſint atq; loci in cru-  
cem affiguntur omnes: de adulterio, deq; pe-  
culatu conuicti vel ſi lateant quamdiuſſime  
à flagicio patrato, ſi quando tamen in manus  
incidunt iudicum nulla inde eis datur redimē-  
di facultas: nulle pecuniæ tanti ſunt vt pares  
ſint facinori perſoluendo, ſit ſanè qui furtum  
fecit equeſtri loco plebeioue, nulla tamen via  
iudicis manus elabi poſſunt, quin in crucem  
acti laqueo ſtrangulētur. Detur ſeueritas hu-  
ius legis, viri ampliſſimi, hominum ſocietati:  
detur huic in qua nati ſumus Reſpub. Nam  
quis eſt qui dubitet ſi ad viuum reſecare ve-  
lit, quin vitæ hominis pluris ſit multo rebus  
furto ſublatis? Verum cum humani hi coe-  
C v rus



tus defēdi aliter nō possunt, nisi maleficis hōi-  
nibus ē medio sublatis, maneat sanē vt seueri-  
tatis exēpla illa ī fures edātur: homicidę verō  
q̄ fures lōgē superāt facinore ac immanitate  
cur nō similibus aut peioribus multo exēplis  
perdātur? Cur furibus oīs viuendi spes legis  
bus in perpetuū adēpta: eadē patricidis, patrati  
homicidij momēto manus hominū elapsis, in-  
tegra manet: ac omnino carcere pecuniāq̄ mul-  
taticia persoluta, facta atq̄ tēta? Non mihi  
possum temperare, quīn, quō oratio ducit, cō-  
tentionem faciam furum & homicidarum,  
quo quidem apud nos loco esse vtrique pu-  
tentur. Fur habetur infamis, homicida fortis  
animosusq̄: ille multatur morte, hic pecuniā:  
ille viuens moriensq̄ in numerum hominū  
honestorum venire nunquam potest, hic &  
viuens fungitur honoribus & moriens nu-  
merum obtinet honoratorum: ille ita moritur  
vt veluti in exemplum omnibus, deterrendi  
causa, in altum sublatus, terram non tangat,  
hic in subsellijs virorū honestissimorum no-  
bilissimorumq̄ eum locum obtinet quē vel  
si homicida nunquam esset, obtineret. O ingē-  
tem morū peruersitatem. Deus iubet ne ma-  
leficos patiamur viuere: Nos homicidas non  
tantū

Exo. xxij.

tantū sinimus viuere, sed & honoribus ipsi  
frui qui in alijs Rebus. soli virtuti debētur.  
Et quoniam in Rep. christiana viuimus, vi-  
detur mihi cum ea. meritō expostulandum,  
Cur tandem homicidam potiore habeat loco  
quā furem? Quasi verō non vterque in les-  
gem dei peccet. an est quisquam qui ignoret  
eundem nobis homicidio interdixisse qui fur-  
to interdixit? eundem in vna tabula scriptū  
illud reliquisse. **NE OCCIDITO,**  
& **NE FVRATOR**? Profecto  
animi fuerit minimē christiani, non eadē re-  
ligiōe imperia & leges obseruare omnes, que  
cunq̄ ab illo Legislatore Deo scriptę sunt &  
in eadem tabula incisę. Voluit Legislator il-  
le non minus consulere vitę nestrę quā for-  
tunis. Quod si qua vis ordinis sit habenda,  
certē priore loco legem fixit ad tuendam vitā  
nostram quā illam muniēdis rebus nostris  
accommodatam. Ac ne sola legislatoris illius  
authoritate niti videamur: quę tamen ipsa  
talis est vt per se pulcherrima atq̄ summa cū  
sit, meritō ab omnibus, in primis vero chris-  
tianis plurimi debeat estimari: Sed omitta-  
mus, inquam, legislatoris huius authoritatē,  
faciamusq̄ ab eo nullam mentionem prohibi-



biti homicidij fuisse factam: nedum vel in ea-  
dem tabula aliquam, vel priore loco: an verò  
ratio & omnium populorum consensus non  
iudicat vitam corpusq; ita seruanda esse ac  
munienda, vt fortunas omnes ac rem famili-  
arem lōge potteriora illis ducamus? Etenim  
res ac opes semel amisse sarciri possunt: vitā  
verò semel amissam quis vnquam recupera-  
uit? Quę igitur causa est vt seuerioribus pœ-  
nis ac legibus eum qui res nostras quā qui  
vitam abstulisset teneri putemus? Enimue-  
rò metuendum ne auaricia atq; nimia o-  
pium cupiditas causam prebuerit pœne seu-  
rioris in fures inueniendę quā in paricidas:  
nimirum dum in rem faciendam plus iusto  
intenti sumus: lucrīq; ex vnaquaquere odo-  
rem pulchriorem quā proximi vitam iudi-  
camus. Nam quis per deum immortalem su-  
am ipsius vitam non antiquiorem existimet  
pecunia omni? quicquid igitur pœna homi-  
cidij vlitata agitur non de nostra morte vici-  
scenda agitur, sed aliena: quam quidem alie-  
nam mortem dum fructuosam nobis volu-  
mus esse, magis pecuniariam pœnam stude-  
mus retinere quā vt capitalem (quę commo-  
di nihil nobis afferret) constituamus. Scilicet  
hoc

hoc est quod diuino iussu ferimus prę nobis  
ipsi, equę proximos diligere a nobis atq; nos ip-  
sos: eorū vitā non aliter nobis cordi esse quā  
nostram: mortem verò illorum ita nobis as-  
cerbam vt si nobis ipsis per scelus illata esset.  
Iam verò si vitam homicidis donaremus so-  
lam, non etiam vitę commoditates ac orna-  
menta, ferendum id quidem esse putarem.  
Etenim ad magnam pœnę acerbicatem per-  
tineret, viuere in hominum cœtu sine hono-  
re, sine rerum facultatibus, sine potentia, sine  
amicorum ope ac consuetudine. nec vita hæc  
magnopere videretur expetenda homicide:  
cū se & amicis dedecori atq; maculę, &  
vulgo contemptui, cū suam crudelitatem om-  
nibus odio esse videret: cū defectis oculis  
incederet: tātūq; in id animam de cœlo du-  
cere videretur vt se se ad frugem reciperet me-  
liorem, deumq; sibi placeret. Nūc verò quid  
deest homicide ad vitam fœliciter degendā,  
posteaquā pœnam dependit vlitatam? fun-  
dos quos ante habebat possidet omnes: ami-  
corum & hominum potentū ac virtute pre-  
ditorum consuetudine gaudet: incedit purpu-  
ratus: fruitur honoribus Reip. in Senatu lo-  
cum tenet: in regijs oculis versatur, quid est  
iniqui



Exo. xxij.

Iniquitati subdere calcarea ad cedes, si hoc non  
est: quid prodest operam virtuti dare, si tan-  
tus est honos maleficior. Atqui certe deus ipse  
iubet, NE SINAMVS MALEFICOS  
VIVERE, et lege in Exodo lata edicit.

Exo. xxi.

QVI PERCVSSERIT HOMINEM  
ITA VT MORIATVR, IPSE  
QVOQVE MORIATVR MORTE.  
Ac ne qs refellēda hac lege, dicat eā ad Rēp.  
Iudeorum pertinere tātū, audiamus quid  
mūdo 'propē vacuo, hoībus octo dūtaxat ab  
excidio illo vhiuersi orbis superstītibus, (qui  
quidē gen<sup>o</sup> humanū tanq̃ recuperatū erāt)  
edixerit Deus, SANGVINEM, inquit,  
VESTRARVM ANIMARVM,  
REQVIRAM DE MANV CVN-  
CTARVM BESTIARVM: ET  
DE MANV HOMINIS REQVI-  
RAM ANIMAM HOMINIS: QVI  
CVNQVE ENIM EFFVDERIT  
HVMANVM SANGVINEM,  
FVNDETVR SANGVIS ILLIUS:  
SIQVDEM AD IMAGINEM  
DEI FACTVS EST HOMO.  
Audistis edictum diuinum, mundo renascē-  
te, necdum natione Iudaica segregata, latum.  
Quo

Quo quidem edicto sanguinem humanum  
cum de bestiarum tum verò hominum ma-  
nu se requisitū dicit: sanguinē quoq; eius,  
qui prior sanguinem hominis effudisset, effu-  
sionem iri. Audistis & causam edicti gravissi-  
mam & in primis expendendam: nempe ho-  
minem ad imaginē Dei esse effectum. Itaq;  
vitam eius a nemine violādum, nisi qui bel-  
lum suscipere vellet cum principe illo orbis,  
qui cum imaginem ac similitudinē sui ipsius  
vivam in terris voluerit referre. Atq; vt edi-  
ctum hoc ad tempora omnium gratum per-  
tinere planum fiat, videamus & multis secu-  
lis ante illud diluvium vniuersale, atq; adeo  
principio rerum, vim illud habuisse tuam, et  
nostris etiā habere oportere. Nā et ad Caymū  
primū homicidā sic de Abele occiso expolitus  
lando ait Deus VBI EST FRATER Gen. 4  
TVVS? QVID FECISTIS VOX  
SANGVINIS FRATRIS TVI  
CLAMAT AD ME DE TER-  
RA: & Christus ad Petrum in iussu magis  
stratus gladio utentē, QVI, inquit, GLA- Math. 26  
DIVM ACCEPERIT, GLADIO  
PERIBIT. Hec ferē in literis diuinis ab  
illo cœlum, terras, ac hominū vias, tuente &  
regente



Li. 48. ad  
L. Pomp.  
de pari-  
cidijs.

et regente Deo prodita extant. Audiamus ita  
quam pulchrè consentiant gentium leges. Et  
xij quidem tabulis cum ceteras res tum verò  
homicidium capite fuisse sancitum constat.

Romanis quoque legibus in paricidas, hoc est  
in eos qui cognatū affinemque interfecissent  
illud supplicium est inuentum ut in culeo cum  
cane, gallo, & vipera insuti in mare abijceren-  
tur: in alios verò homicidas poena capitalis  
constituta. Hac lege utuntur Germani, utun-  
tur Galli, utuntur Hispani, utuntur & Hun-  
gari. Sed apud Hūgaros illud quoque ad poe-  
næ seueritatem est comparatum, ut non tan-  
tum in caput interfectoris: sed in bona quoque  
manus à Rege iniiciantur: ea quidem quæ ca-  
strensis, quasi castrensis, & aduēticij (sic enim  
iurisperiti loquuntur) peculij veniunt appella-  
tione. Sic ad filios etiam poena sceleris pa-  
terni redundat: dum solam adire permittun-  
tur hereditatem, quæ patri à maioribus relicta  
erat. Sed nec Christiani tantum, verum &  
Scythæ & Turcæ puniunt capite homicidas.

Neque verò supplicium istud de eo tantum sus-  
mebat ut legibus Romanis qui hominē occi-  
dione occidisset: sed de eo etiam qui hominis  
occidendi causa aut cum telo fuisset, aut di-  
stricto

stricto gladio aliquē impetisset vulnerassetque  
aut venenum cōfecisset, dedisset, habuissetque.  
O legem populo illo, qui non armis tantum,  
verum etiam consilio sapientiæque ceteris na-  
tionibus præstabat, prorsus dignam. Viderūt  
prudentissimi homines, & rerum humanarū  
iprimis experientes, non tam rerū euentu pec-  
cata hominum metienda esse quàm animorū  
consilijs sceleratis. Itaque in maleficijs nō tan-  
tum exitum, sed voluntatem etiam spectan-  
dam duxerunt, deinde nihil interesse putarūt  
occidat quis hominem an mortis præbeat cau-  
sam. Quoties igitur tanti maleficij crimen nō  
modò perfectum sed tentatum etiam argumē-  
tis claris signisque comprobabatur, toties rei ca-  
pitalis damnabantur, qui sceleris erant conui-  
cti. Quo magis ea lex instituenda est à nobis  
in crudelissimum homicidam, qui sanguine  
humano imbuiere manus suas gladiumque nō  
dubitauit. Etenim si quis res gestas iam inde  
à condito orbe diligenter consideret, vix me-  
hercule inueniat vnū homicidā, quē ipsū non  
vlescat scelus suum. Cayn cum esset fratris  
cida, ipse quoque interit eodem genere mortis.  
Dauid ob imperatam cēdem gladij persecu-  
tionem in domo sua percussus est in sempi-

D ternum:



ternum? quę calamitas haud dubiē acerbior  
illi erat sua ipsius morte. Sed quid veteres his  
storias attinet repetere, memoria nostra osten  
dite mihi aliquem vnum, qui hoc detestabili  
scelere patrato, vt etiam pecuniam quantum  
uis magnam numerauerit, ac carceris moles  
stias pertulerit: ostendite, inquam, mihi vnū  
talem qui non simili deinde perierit fato? Id  
quidem vsq; eò planum est omnibus vt iam  
vulgò celebretur, nullum nec homicidam nec  
adulterum naturali perire morte: ad hęc etiā  
passim iactetur, sanguinis innoxij clamorem  
*Gen. 4.* super astra ferri. Testatur id Deus ipse dū di  
cit sanguinem Abelis occisi clamare ad se de  
terra. Testatur & Ioannes dum animas sub  
*Apo. 6* altari auditas sibi ait ita clamantes, Quamci  
to Domine vindicabis sanguinem nostrum  
de ijs qui habitant in terra? His verbis cla  
mor describitur sanguinis innoxij: hoc est,  
eius qui citra iudicium legitimum ab homi  
ne priuato sit effusus. Siquidem nemini lice  
re preter magistratum quenquam interficere  
ne nocentem quidem, literis diuinis proditum  
extat. Innoxius igitur putandus est sanguis  
qui à priuato effundatur homine, vt unq;  
pretexatur honesta causa, excepta tamen vi  
ipsa:

ipsa: quę certe excipienda est & meritò secer  
nenda. Narrabat hospes meus Vienenſis ad  
modum dolenter, ac voce ad luctum & mœ  
rorem composita, non ita multos ab hinc an  
nos ciuem quendam suum, nobilem pistorē,  
cūm cœnatus cum vxore, liberis, ac familia,  
dormitum iſſet, inuentum eſſe mane in cubi  
culo interfectū, vnacum vxore & filiolo pro  
pe in cunis iacentē: familiam quoq; omnem  
in cubiculis diſtinctis cubantem & ipsam ad  
internitionem quoq; ceſam. Cūm ex omni  
vicinia ad tam foedum ſpectaculum vulgò  
concurreretur: nemoq; in edibus vniuerſis  
reperitus eſſet viuus, in quem ſuſpicio malefi  
cij conferri poſſet: ſimulq; animaduertere  
tur abeſſe, ex cuncta familia atq; ex domeſti  
cis patrisfamilias occiſi aliquem vnum, qui in  
eo occiſorum numero non reperiretur: captū  
eſſe conſilium querendi illius qui abeſſet. In  
uentum tandem eſſe in plateis oberātem, ca  
ptum, & ad magiſtratū criminis inueſti  
gandi cauſa adductum. Erat porrò homo il  
le in arte piſtoria quam cum magiſtro exer  
cebat indiſtriſus, & ideo magiſtro ſuo in pri  
mis grat⁹: ſed, vt ſit, popinis, luſtris & ganeis  
nimio plus addiſtus. Eum igitur & prius  
D ij apud



apud apparitores qui eum comprehēdissent,  
& deinde apud magistratū sponte sua, nullo  
teste, stimulis conscientie actum, nec interro-  
gatum, continuo criminē confessū esse: se hor-  
tatus magistri, quibus à luxu vocaretur sepe  
ad frugalitatem, ferre nō potuisse. Itaq; nocte  
profunda cū vox à vicinis exaudiri nō pos-  
set se primū in familiam in lectis cubantem,  
ne illa patrifamilias suppetias veniret: deinde  
hostio cubiculi aperto ipsum patremfamilias  
cum vxore, altissimum carpentes somnum,  
interfecisse: postreimō verō in filiolum, qui in  
cunis prope cubaret, ac morte parentum pri-  
us conspecta, suam ore balbutienti deprecare-  
tur, puppasq; omnes si parceret sibi esset do-  
no offerret, se ferrum strinxisse. Tot autē ce-  
dibus factis se ad portam ciuitatis contendisse,  
se, vt illinc digressus poenā homicidis impen-  
dētē vitaret. Verūm porta ciuitatis se aliquo-  
ties egressum, tamen rursū ad ciuitatē vi et  
impetu animi impellentis reuertisset: tantas si-  
bi tenebras offusas fuisse, vt quasi collo obtor-  
to eō vnde discesserat reductus esset: tantis de-  
niq; aculeis, tantis furis cogitationum se agi-  
tari vt nec se animo consistere posse diceret:  
nec quicquam magis optare quā vitam si-  
bi eripi

bi eripi quā ipse alijs eripuisset. In tot verō  
stimulis conscientie ac cruciatibus animi sum-  
mis, illam pueri vocem qua sibi parci petebat  
atq; puppas vitam redimendo offerebat, esse  
sibi tanquam facem sine intermissione adu-  
rentem & poenam longe omnium acerbissi-  
mam. Hęc quidem paricidam illum vltro et  
sponte factum esse, ac morti deinde prout di-  
gnus erat adiudicatum hospes meus Vienen-  
sis narrabat. Ego sanē non absq; lacrimis  
audiebam & tantā immanitatem paricide &  
sanguinis innocentis vltionem diuinitus im-  
missam. Neq; enim Dēus qui legem tulit san-  
guinem eius effusum iri, qui hominis sangui-  
nē effudisset, ad homicidia conuicere putan-  
dus est, vt non poenam repetat ipse ab hijs qui  
imaginē suam violassent. Itaq; paricide isti  
& mentem abstulisse, & fugiendi facultatē  
eripuisse, & eum poenis meritis reseruasse est  
existimandus. Hoc igitur veluti p̄iudicio  
tāto, cuius similia multa, nobis nō animaduer-  
tentibus fieri quotidie putemus, an non pa-  
lām nobis ostenditur quid in puniendis ho-  
micidijs sequi debeamus: habemus & lege di-  
uina constitutam poenam homicidis: & eius  
voluntate in eam mentem illos impelli vt ipsi  
D. iij. incidant



incidunt in manus ultorum, cur igitur dubi-  
tamus legem emendare nostram, poenamq;  
similem diuine constituit? Nam quæ gens  
quæ natio alia præter nostram caput hominis  
pecunia persoluat? Nisi forte hoc in numero  
Dani habendi sunt: apud quos legem quoq;  
vigere audiui similem nostræ. Sed illi tanta  
incommoda perferunt ob pecuniâ hanc mul-  
tationem ut partim apud illos tuti sint imbel-  
les à potentioribus & in medio foro & in tē-  
plorum ædiumq; penetralibus. Itaq; Germa-  
ni illud eis in iurgiis obijcere consueverunt,  
vitam humanam non alio loco haberi apud  
illos quàm pecudū: utpote quæ pecunia quo-  
q; redimatur ac persoluitur. Iam ne quis pu-  
tet hæc in nationem Danorum à me cōtume-  
liosius dici, permittamus sanè illos uti sua le-  
ge: certè tamē non debent esse nobis tanti ut  
illis tantum similes nos fieri velimus, potius  
quàm tot nationibus alijs, Italis, Gallis, Hi-  
spanis, et omnibus quæ Romanis legibus vs-  
tuntur: quæ legi Diuine subscribere non du-  
bitarunt: caputq; non alia re quàm capite pu-  
niendum esse statuerunt. Tanta apud nos re-  
ligione sunt tantaq; maiestate repleta & prin-  
cipum arces ut rei capitalis damnentur, qui  
cunq;

cunq; ea violare, non quidem homine occi-  
dendo sed gladio vagina vacuo aliquem pes-  
tendo fuerint ausi. Quod verò templū maio-  
re sanctitate putamus venerandum esse, hoc  
quod Dei viuentis est habitaculum, an quod  
lignis est lateribusq; constructum? Quā ar-  
cem tantæ maiestatis ac venerationis plenam,  
ut eam qua & religiones & Resp. defendun-  
tur? Scitè enim mihi fecisse videtur Rex ille  
qui Cæsari ni fallor, Ottoni, tēplū diui Adal-  
berti Gneznēse religiōis ergo visenti, ac opes  
atq; arces quas regio hæc potissimas haberet  
videre cupienti, viros ostenderit lectissimos  
exercitusq; qui subito legi poterant numero-  
sos: illos, inquiēs, arces suas esse atq; opes. Pre-  
clarum sanè & regia maiestate dignum res-  
ponsum, nullę enim opes regibus tanti esse  
debent, nullę arces tam firmę videri atq; ho-  
mines ipsi: quorum causa illi constitui sint  
à Deo, tot honoribus totq; epibus aucti &  
ornati: sine quibus nec opes, nec dignitatem,  
nec arces tueri possent ac defendere. Cur igi-  
tur violatorem templi huius viui, arcis huius  
fortissimè deualsatorem, è numero hominū  
efficiendum non statuimus? An licentiā pro-  
ditissimi parricide alemus, ad similiaq; faci no-  
ra edenda



ra edenda, vitam illi prorogādo instruemus.  
Res enim testatur ipsa, gigni in homicida,  
nisi mulctetur morte, immoderatam peccandi  
consuetudinem, ac licentiam interficiendi.  
Quotus quisque est enim qui poena capitis e-  
uitata, cedere vna fuerit contentus? Itaque ut coe-  
no porcos sic istos in uicinationibus ac malefici-  
cibus omnis generis videas delectari: nec de re  
alia quam de carnificina sermonem institues-  
re, nec voluptatē aliunde capere quam ex san-  
guine. Tantam vim habet macula ex huma-  
no sanguine concepta ut nihil nisi immanem  
quandam audaciam gignat ad scelus cinne.  
Haud scio an eadem culpa tenemur, qui ad  
Reip. gubernacula sedemus, quorumque in ma-  
nibus haec res est, qua amentes & furiosi isti.  
Nam quid per Deum immortalem vult sibi  
vetus illud & protritum verbum, Facientes  
et contentientes ipsidem poenis teneri ac legi-  
bus? nisi forte putamus illos tantum assen-  
tiri sceleri quorum seu consilio seu opera sit  
confectum. Atqui & ratio dicat & magno-  
rum virorum consensus, eos quoque culpae res-  
os esse, qui cum sceleri occurrere possint, oc-  
casionem negligent rei bene gerendae: non se-  
cus ac si vel iniuriam fecissent ipsi, vel praesto  
fuissent

fuissent opera consilio studioque facienti. Si  
authorem querimus eius rei, nullū certe gra-  
uiorem possumus habere, M. Cicerone: qui  
non in scholis tantum philosophorum versa-  
tus sit, sed Romae, cum quidem vrbs illa rerū  
orbis terrarum potita erat, summos magistra-  
tus magnifice gesserit. Is in suis officiis reli-  
quit scriptum ad hunc modum. QVI nō des-  
cendit nec obsistit si potest iniurię, tam est in  
vitio quam si parentes, aut amicos aut patriā  
deserat. Si verō rationem velitis habere sens-  
tentię nostrę, ea quidem in promptu fuerit re-  
rum naturam contēplanti. Quis in mari pro-  
fundo hominem sese praecipitantem atque mer-  
gentem, non seruans, seruare cum possit: ei-  
que in extremis laboranti subsidio venire negli-  
gens, culpę exors erit? Quis viatori iter latro-  
nibus obsessum ingressuro, insidias praedicere  
cum posset, tamen non praedixit nec admonu-  
it, non immerito ob id damnetur summe cru-  
delitatis ac impietatis? Quis ceco foue-  
re atque lapsui proximo, dextram porrigere cum pos-  
set atque a lapsu abducere, occasionem omittēs,  
seipsum suumque animum a crimine vacuum  
statuet? neque iam disputo de eo qui fecisset  
maleficium vel alterum submergendo, vel in  
E latrones



latrones tanquam castes artibus malis impel-  
lendo, vel in foueam precipitando: quę vitia  
etiā palpādo ab omnibus cognoscuntur: Sed de  
eo qui vel à fouea, vel ab aqua, vel à latro-  
num manu vel aliqua prolapsione seruare  
cūm posset opera aut consilio, opportuni-  
tatem pretermittat rei preclare gerendę:

Hos omnes quis non numero homicidarum  
numerauerit? Profectò enim non nobis nati  
sumus tantum. Preclara est vox illa Christi  
seruatoris nostri, vt quod placeat nobis, alijs  
quoq; faciamus. Cœtus hi & hæc domicilia  
coniuncta, docent nos aliorum cōmodis ser-  
uire debere: vt qui cum hominibus in vitę,  
sp̄ritus, & lucis cōmunitate viuamus, cum  
illis etiā rerum omnium cōmunionē iūga-  
mur: earum presertim quas sine detrimento  
nostro, magno aut cum salutis illorum com-  
modo, tribuere possimus. Omnino enim nō  
de nihilo illud apd' veteres trāserat vetusta  
te prouerbiū, HOMINEM HOMINI  
Deum. Diuina enim hæc sūt opera putanda,  
cōsiliū dare hominī vel ignotissimo: opem  
illi ferre in periculo: rebus subitis illius ac du-  
bijs adesse: iuuare aut opera aut consilio aut  
re. Hec qui hominī in extrema necessitate nō

faciat

faciat cum possit, an eum omni humanitate  
exutū non putabimus? an domicilijs nostris,  
foro, congressu nō excludemus? Cūm igit  
nos qui Reip. hui⁹ gubernacula tractamus,  
simus eo loco cōstituti, vt subitis casibus, in-  
terfectionibus ex summa licentia proficiscen-  
tibus, possimus (quantum in nobis est) supre-  
mo supplicio contrahere, ne quęso desimus  
officio nostro. Omnino cessatio hæc, infamā  
illam habet, delictari nos cedibus, qui graui-  
orem nō irrogemus multam: consentire nos  
qui nō damnen u: capitis homicidas. nec cer-  
te eius culpe cuius rei sūt homicide, possum⁹  
ipsi esse insōntes: siquidem eadem residet in  
consentiente pœna quę in faciente. Quin  
igitur facimus per Deum immortalem, vt  
quemadmodum hanc Remp in ceteris parti-  
bus, quantum possumus, sustinemus cum di-  
gnitate: sic & huic medeamur parti quę ad  
vitam cuiusq; pertinet tuendam. Non illud  
censo, quò homicidas ē medio tolli aliquan-  
do curemus: nobis enim vel non curantibus,  
vel conuiuentibus, id eueniat aliquando ne-  
cessum est, Deo Opt. max. ita volente ac ius-  
tamente. Non finit numen illud, quod hominē  
ad suam imaginem effinxit. imaginem suam

E ij impune



impune violari. cessent quantumvis magistratus: euadant homicide omnium hominum suspiciones ac iudicia: impellentur tamen illi a numine coelesti in casses, unde vitam expedire non possint. Veniet dies multae illius certandae, quae rerum principio homicidis diuino oraculo dicta est, ut qui sanguinem hominis effudisset in terra, eius quoque sanguis effundatur. Illud igitur censeo ut quod iusto Dei iudicio certissimum est homicidis aliquando fore, id nos anteueramus decreto & iudicio nostro: ne vel audaciam illorum, poena capitali differenda, corroboremus ad caedes alias: vel paruifacere videamur hominum vitam, quam pecunia soluere permittamus. Nam praeter iniquitatem tantuli precij eadem illa multa illud quoque in se non minimi: sed haud scio an maximi habet incommodi, quod cum in vniuersum dicta sit omnibus qui maneant in hac Rep. non tamen nisi a locupletibus pendendi possit. Quid enim mirabitur pauper, si caede fecerit? Scilicet luet, ut vulgo iactatur, corpore qui caret numis: subibitque, quod soluendo non sit, ferri crudelitatem, aut certe carceribus perpetuis addicetur. Diuites porro quid intereat soluent quod lege preceptum est: ac se in quos

illis

illis libitum erit noua pecunia arinabunt. Aded apud nos diti atque pauperi leges impares esse? Hanc vero legum inequalitatem tantam quid pepererit praeter pecuniae abusum summum? abusus porro unde natus quam ex hac pecuniaria lege? qua sine modo grassari nobis fas esse putemus in tot hominum vitas quot centena marcarum numerare possimus. Sed ex tota hac pecuniae potentia magna, vnum illud est admiratione dignum, quod legibus etiam apud nos sit cautum aut certe moribus receptum, iure videri interfectum, cui comminationibus sit prius, ut sibi caueat, praedictum. Hinc vero non iam singulari certamine concurrunt: sed non raro utrinque exercitus cogit: hinc expugnationesedium: hinc & nocentum & innocentum sine discrimine caedes: et quid non mali inde? Hoc vero quid aliud est quam legibus valere iussis vim regnare velle? At enim in Rep. bene constituta, legibus solis locum esse debere, ratio ipsa dicat: vim omnem vel ab omnibus in externum hostem, cum quo nobis legum communitas nulla sit, conuertendam: vel ab solo magistratu in eos, qui legum iussis non sint obediens, exerendam: priuatis vero inter se in vniuersum vi omni inter-

Odpowie  
dzy.

E iij      dicendum



dicendum: propterea leges latas esse ut omnes  
ex iure manum confertum, non ferro rum re  
perant. Cuper in mehercule eam mihi oratio  
nis facultatem dari, qua depingere & ob oculos  
omnium ponere queam turpitudinem tā  
te licentie numorum: Sed queso à vobis ut  
quod inopia orationis prestare non possum,  
vos ipsi cum mentibus vestris consideretis.  
Quid per Deum immortalem turpius in hac  
Rep. dici, cogitari, fingi ue possit hoc pecunie  
abusu infinitor: dum hominem interficere nō  
veremur spe numorum: dum mortem cui li  
beat cunq; & cōminatione predicere, & gla  
dio tandem audemus offerre: dum nihil tam  
putamus sanctum quod non violare, nihil tā  
munitum quod regina pecunia non fas sit no  
bis expugnare. Tenuioribus verò non pate  
re eam licentiam notum est: proponētibus si  
bi ob oculos capitalē pœnam, ad se haud du  
bie, inopia rei numarie, peruenturam. O im  
parē legum rationē inope constringendo &  
locuplete: quarum quidem seueritatem huic  
vi numorum perrumpere: illi vero, rerū an  
gustia, nullo modo liceat euitare. Cur verò  
odio tanto tenuiores prosequimur, eorumq;  
vitam? an non & ipsi pars sunt generis hu  
mani?

mani? an solis diuitibus vsuram lucis huius  
à Deo datam putamus? Quod si ex equo  
Deum vtrorumq; authorem statuimus, cur  
non eque consulimus vite vtrorumque? Sa  
tis sit locupletes alijs rebus prestare pauperta  
ti: mors quidē scelere illata seu à paupere seu  
à diuite equis legibus puniatur. Neq; enim  
magis homicida est qui pauper occidit homi  
nem atq; diues: neq; cetera ex ijs que cuique  
aut concessit aut negauit fortuna estimanda  
sunt: sed ex re ipsa atq; pessimo cuiusque af  
fectu. Miserum hercle est fortunę arbitrio  
causę & fluxę & mutabili ea permittere, que  
ab intellectu & ratione proficisci deberent.  
Cur igitur lege in quam & diuites peccant &  
pauperes, cauetur de ea pœna quam non ex  
equo possint pēdere diuites ac pauperes: que  
ab inope repeti non possit nisi morte commu  
rata: locupletes verò audaciores reddat ad pa  
ricidia multa? Neq; enim ignoratis quod  
omnibus est notissimum, in tanta homicidas  
rum licētia vix vnum esse numatum, qui ho  
micidio semel admissio ad cedes alias non pre  
ceps feratur: cū interea cedes à paupere fa  
cta ita mulsetur ut cum vita, facultas ei eripi  
atur deinceps interficiendi. Nos verò si non

B iij mouerēt



mouerent pericula tanta ad poenam capitalē  
constituendam: timentes tamen iuuentuti no  
stre, imò cuius etati hominum ne seipat ad  
eos contagione quadam hoc malum, debere  
mus sanē quamprimū ex finibus nature hu  
manę homicidas omnes exterminare. Con  
stituerunt veteres Romani, quorum tam late  
olim patebat potestas vt orbem terrarū pro  
pē fuerit complexa, admodum exquisitū sup  
plicium, quod superius dixi, in paricidas: vt  
illi ī culeum, viui quidem, cum cane, gallo, si  
mia, & vipera coniecti in profluentem defer  
rentur. Timebant homines magna pruden  
tia pediti, ne si paricide aut feris obijcerentur  
aut alijs supplicijs afficerentur, inficerēt aut fe  
ras cōtactu suo, aut aërem quo spiramus, aut  
alia quibus vita indiget nostra elementa. Ideo  
oq̃ iusserunt paricidam in mare proijci: sed  
tamen ne inficeret aquam, corio obuolutum  
et obligatum. Illi igitur cum & feris timerēt  
et omnibus elementis, singulare excogitauer  
unt supplicium: nos non timebimus iuuen  
tuti nostrę quę ab hac maleficorū peste nul  
lo negotio infici possit. Nec enim minus ma  
lorum consuetudo officit iuuentuti atq̃ pro  
dest bonorum conuictus, imò verò in eam  
etatem

etatem, quę singulariter procliuis sit ad omnē  
insolentiam, facilius quęque mala irrepunt  
quàm bona. Notus est uersiculus quem ci  
tat diuus Paulus ex Poëta Gręco,  
Corrumpunt bonos mores colloquia praua.  
Ac nos quidem id pluries quàm vellemus  
sumus experti. Multi enim exemplis inuita  
ti aliorum, quibus impune cessit hominem  
occidisse, aliorum capitibus insidias struere,  
eosq̃ interficere non dubitarūt. Putāt enim  
iure fieri, quod sit aliorum exemplo. Adeo  
aut id mali contagione sua animos occupa  
uit multorum vt nihil iam magis tritum sit,  
nihil magis iactetur quàm illud, potius esse  
occidi aduersarium, quàm iure cum illo ex  
periri. Nam occisum semel ac pecunia perso  
lutum, nihil negocij alicui faceffere: à litibus  
verò ferè non desinere litigatorem potentē.  
Hic igitur est, si dñs placet, fructus poenę v  
sitate vt multi iam iure relicto, solam ad vim  
confugiant. Quę res quorsum tandem sit e  
uasura non necesse habeo multa dicere. Illud  
saltem censeo prouidendum, ne nullus tan  
dem vsus sit legum si quisque pecunia abuti  
sua in cuiusuis perniciem pergat: neue licē  
tia tanta pariat intollerandam rerum omnium

E v confusio

confusionem. Quid enim boni in ea Repur.  
diū poterit esse ubi nihil non possunt opes  
ad crudelitatem: inopia verò nihil omnino va-  
leat ad misericordiam: idem in re cōmuni om-  
nium, nam cui salus sua non eque grata sit  
in rerum inopia atque alij in opibus summis.  
Cui vicissim mors non sit perinde extre-  
mum malorum in summa egestate ac alij  
in vite splendore, rerumque abundantia?  
Quod si nunc sistant se nobis qui ferro eue-  
cti vitam ante diem deseruerunt, causamque suam  
apud nos agere velint, non hac utuntur ora-  
tione? Et vivis nobis displicuit semper Sigis-  
munde Rex, vosque Remp. qui cum eo gu-  
bernatis Lex pecuniaria ista, que pecuniosis  
hominibus causam dederit nos interficiendi:  
& nunc poenis inferni perpetuo addictis displi-  
cet magis, quippe cuius obtentu plerique inter-  
fecti veniant ad nos: conspectu suo poenam  
nobis reddentes acerbiorum. Qua in re acer-  
ba sane nobis est recordatio & negligentie ve-  
stre, & temeritatis reclamantium, & avaricie  
eorum quibus bono fuit nos cecos esse. Nec fa-  
tis mirari possumus usquequo tandem indormi-  
etis huic cause? quos ad fines licentiam hanc nu-  
morum dissolutam vagari permittetis? nihilue

VOS

30  
vos timer Dei qui potestatem puniendi fontes  
ad vos transiulerit: nihil misericordia sangui-  
nis nostri quotidie clamatis de terra: nihil mi-  
serie cruciatumque in quos interfectores detruse-  
runt nos: nihil amicorum lacrimarum, qui cede nos-  
tra in squalore abhuc versetur: nihil denique  
hominum proborum hac sanguinis impunitate  
moreri non desinendum, suspiria crebra, mo-  
vere possunt. Non creditis deum, qui potesta-  
tem suam vobiscum communicatam voluerit,  
puniturum hanc vestram celsationem? Etenim  
ut causam vel dedissemus ipsi cur interficere-  
mur, vel paricidarum furor sibi inuenisset: vos  
tamen qui Remp hanc gubernatis potissimum  
rei estis ceddis omnium nostrum: ut qui non ca-  
pite sanxeritis humanum caput: cum quidem  
& Deus, & ratio, & gentes omnes preiuerit  
vobis voce sua quomodo homicidas punire-  
tis. Quis vestrum o nostri occisores, mortis  
poena sibi proposita, ausus fuisset morte indi-  
gna aliquem nostrum trucidare, utcumque vi-  
ctor voti fuisset compositus? Equidem si vite vos  
non fuit pertesum vestre, nullomodo comis-  
sissetis ut priuaretis nos luce hac, cuius adhuc  
ipsi usuram capitis: Sed cum numati essetis,  
spemque minime dubiam haberetis retinendi  
vitam



vitam vestram, fortunam, honores, Rempu-  
blicam, expleuistis sanguine nostro odium  
vestrum: maluistisq; pecunię iacturam fa-  
cere quā nobiscum iure agere, nosq; inter  
vivos facere. Vtinam aliquando vel modi-  
cē tangant vos o Rex & qui cum eo estis in  
senatu miserę & supplicia, in quę interfe-  
ctores isti detruserunt nos imparatos, atq; a  
pœnitentia vitę peruersę alienos. Ad quam  
quidem pœnitentiam redire nobis licuit dū  
vitales carpebamus auras; nunc ē vita subla-  
tis reditus est preclusus omnis. Sed quia mi-  
serię nostrę a vestris mortalium sensibus p-  
cul absunt, statuīte vobis saltem quod pote-  
stis ante oculos miseras mortes quibus indi-  
gnissimē sumus affecti: pars in itinere, alij in  
penetralibus edium, quidam inter pocula &  
epulas ubi conciliationes amiciciarum fiunt  
cruore respersimus mensam, nonnulli ad aras  
summi Dei, quidā in lectis trucidati. A mor-  
te verō & in eam viam ingressi sumus vnde  
redire non liceat: & in eos cruciatus coniecti  
qui diabolo & angelis illius parati sunt ab  
eterno. Neq; verō presentes tantū luimus  
pœnas: crescunt illę nobis quotidie hospitū  
nouorum accessione. Argumento vobis sit  
diues

diues ille epulo euangelicus qui pœnarum;  
apud inferos cōmunionē crescentium, metu,  
petebat Abrahamum, curaret ille ne quis  
fratrum in ea loca veniret. Quin igitur mi-  
seret vos nostris? non putatis Deum a vobis  
requisiturum sanguinem nostrum, ob pœnā  
minimē idoneam, atq; ob pecunię licentiam  
effusum: qui & Abelis iusti de Caymo con-  
tubernali nostro requirebat, & cuiusq; homi-  
nis de manu bestiarū requisiturum se dixit?  
Per Deum qui olim iudex in vos sedebit &  
in nos, per potestatem hanc a deo vobis con-  
cessa, per cruciatus nostros obsecramus vos  
vt oculos aliquando aperiat ad vindicandū  
sanguinem nostrum, ad homicidia reprimen-  
da: ne patiamini (quantum in vobis est) ora-  
cum nouis hospitibus, quorum cōmunionē  
pœnē nobis crescant, frequentari: ne afflictis  
addatis afflictionem. Sin vos nec dei respec-  
tus mouet, nec miserię nostrę, facite vestra  
ipsorum causa: vt ne vos, pœnam noxę pa-  
rem remittendo, obstringatis scelere homici-  
dij: neūe olim in eas pœnas cōtrudamini q̄s  
negligentię & torpori vestro impendere no-  
lite dubitare. Hęc quidem occisorum oratio  
est. Ego redeo ad meam, atq; vt vltima con-  
texam

texam cum primis, omnino rerum naturam  
mihi diligenter contemplanti, etq; de talio-  
ne à prudentibus que prodita sunt studiose  
multumq; volutanti, non aliò magis trans-  
ferri posse videtur quàm ad homicidium pu-  
niendum. Nam quod Christus veteribus in-  
more fuisse testatur, ut dentem redimerent den-  
te, oculum oculo: & ipse deinde ad legem ean-  
dem alludens pronuntiet fore, ut qua mensu-  
ra alijs mensi fuerimus, eadem alijs remetan-  
tur vobis, id quidem cur ad homicidium ac-  
commodare dubitamus? cur oculus oculo,  
dens dente pensatur: non autem capite caput?  
Nisi fortè dentis oculiq; amissio pluris nobis  
est quàm capitis atq; vite. Quòd si in foro &  
ad iudicem nemo alicui dicam scribere per-  
mittitur, ex qua quidem ad eum qui reus sit  
at infamia redundet, nisi primum nexu se ob-  
bliget ad periculum iudicii prestandum, atq;  
ad crimen vna cum poena in se transferendū:  
quid tandem in eo foro putamus fieri opor-  
tere ubi non verbis nec legibus, sed ferro dimi-  
catur, & gladijs: non fortune impetuntur sed  
vita & salus: nō gladiatores illos nexu ppetuo  
vincitos esse statuemus, supremoq; supplicio  
addictos? Audiui de homine quodam or-  
dinis

dinis nostri atq; loci, non ita multis ante an-  
nis in conuentu Petricouie habito ad Sena-  
tum de hac ipsa lege relatum fuisse: Ibiq; cū  
sententijs variaretur, & alijs homicidas rece-  
pta poena, alijs capitali afficiēdos censerēt: factū  
esse ut pars maior vicerit meliorem, poenaq;  
vtilitata sit conseruata: siquidē plures erāt qui  
pecunia potius ut olim quàm qui capite an-  
quirendū censerent. Tum aut rem narratione  
eorum qui in Senatu erant perlatam fuisse  
ad iuuenem quendam nobilissimum, in su-  
ma familia natum, summaq; fortuna: Eum  
quidem qui per etatem nondum veniit in  
senatum, sed esset tamen ad res maximas na-  
tus vel ingenij vel imperij vel virtutis. Eum  
itaq; iuuenem tum extra ordinem ita sentē-  
tiam dixisse ut censeret singulorum nomini-  
bus & qui pecunia & qui capitis anquiren-  
dum putarent, separatim conscriptis, legem  
promulgadam esse sententijs vtrorumq; con-  
gruentem: hoc est ut si quid capiti eorum ac-  
cidisset, pecunia qui homicidium persolui cē-  
serent, pecunia multaretur homicida: Sin eo-  
rum, qui capite caput redimendum vellent,  
capitis damnaretur qui interfecisset. Egregia  
verò & hoc iuvene digna sententia: que de-  
clarat

Hec mag-  
nificus d.  
Erasmus  
a kretkow  
Castellan  
Westenlis  
narrabat  
dixisse Se-  
renissimū  
principem  
et olim o.  
Sigmundū  
dū Augus-  
tū Regē  
polonie in  
conuentu  
petricoue  
anno chrī-  
sti: M. D.  
xxxvij. ha-  
bito: cum  
qdez Rex  
annos fer-  
me xvi. na-  
tus erat.



clarat illum, non tam prudentiā duce, quē ab illa etate ob rerum imperitiā est remotior, quā ingenio & vi illa ingenita acuminēq; ad secreta tum naturę tum legum penetrasse: vidisseq; nihil hominum vitę conseruandę magis appositum esse quā si capite, caput pensetur: neq; facilius fore vt eorum in quibus huius rei potestas est sita in vnum cōgruant sententię, quā si semel promulgetur, vniuscuiusq; capiti vel si per omnes ordines suffragia viritum ire oporteat, id quod in re tanti momenti, Senatu & equitibus inter se discordibus, fuerit necesse: vniuscuiusq;, inquam, capiti, pro sententię quam dixisset ratione, legem esse ponendam. Profecto autem ego fallor, aut nemo sanus esset qui caput suū ipsius, pecunia estimari vellet: cessarentq; cōtentiones partium magis quā Reip. studio a multis susceptę. O Deus qui hanc Reimp. seruas, serua nobis hunc iuuenem in patrias crescentem artes. Da illi mentem cū ad eas res tractandas, quibus tenere possit clauum imperij in tanto cursu ac fluctibus, tum ad voluntatem eius legis perferēde, quę & a viris prudentibus Rerump. firmamētum meritō putatur: et ab ipso ante tot annos plus quā  
pro

pro etate talis iudicata est, in qua vigere in primis equum sit Rhadamanthi vetus verbum cum ita definit iustum;

Iusta malis hec admissio, p crimie poena ē

Si quę fecerunt, eadem patiantur & ipsi.  
Iam quod homines quidam docti, poenā vsu-  
tatam defendentes, non estimationem capitis,  
pecuniā: Sed poenam cęsi hominis consti-  
tutam esse contendunt, argutē illi quidam &  
ad rem suam perquam appositē, si modō in  
hoc essent omnia. Verum cū toties ostē-  
derimus poenam scelerī parē, si qua in re alia,  
certē homicidio puniendo esse debere: deinceps  
de equum esse in ea Repub. capitis damnari  
homicidas, vbi leuiora multō delicta, capite  
luantur: existimo orationem illam inter esti-  
mationem & poenam discrimen constituens  
tem, non tanti hīc esse vt aliquid momenti fa-  
cere possit ad sententiam nostram infirmā-  
dam. Neq; verō metuendam nobis puto in-  
constantē reprehensionem legibus mutadis:  
Quis est enī qui in rebus vel malis, vel pa-  
rum consultis laudandam in aliquo putet in  
vna sententia perpetuam permansionē: Quis  
ignorat in Repub. nostra pro rerum tempo-  
risq; varietate, si quis leges mutatas? Quis  
deniq;

deniq; tam peregrinus est in hac Rep. quisi  
comptum habeat poenam homicidii aliquo  
ties mutatam esse & exacerbata. Atheni  
ensium ciuitas prudentissima, cum videret le  
gibus draconis, etiam leuia delicta, poenis ca  
pitalibus puniri, indignum existimans homi  
nem quamlibet leui causa vita priuari, abro  
gare illas non dubitauit; eadem haud dubie fa  
ctura ut poenam alicui delicto debitam, si res  
poscat, exacerueret atq; exacerbaret. Quid mul  
tar? Ego sane si in ea Rep. essem ubi homines  
cum ad bonum proclues ac sponte currentes,  
tum vero ab omni facinore abhorrentes vis  
derem: certe ibi aut nullas aut quam leuissi  
mas poenas, disciplinæ causa, proponendas pu  
tarem. At in ea Rep. quis dubitet quin legi  
bus & poenis seuerioribus opus sit, ubi quo  
tidie videmus in peius rueri omnia, ceu quas  
dam peccatum conspirationes? Faciunt igitur  
a nobis Stoica illa decreta quamlibet les  
sum perpetuitatem sine discrimine compro  
bantia ad homines ociosos. Nobis certe qui  
in rebus gerendis, tanquam in acie versamur  
non sit indecorum vel mala bonis commuta  
re, vel bona reddere meliora, vel poenis seue  
rioribus castigare ac reprimere maliciam ho

minum

minum succrescentem. Ac ne illud quidem  
pertimescendum est, nos hac poena famam crui  
delitatis subire oportere. Quæ enim potest  
esse in peste ex finibus nostris propellenda cru  
delitas? Quis ouem morbidam de grege suo,  
quis membrum viciosum, contagionis pro  
hibendæ causa, resecans de corpore suo, argu  
itur crudelitatis? cuius quidem vitandæ causa  
si ab homicida necando abstinendum sit, cur  
non etiam a fure suspendendo? nisi forte vel  
huius crimen maius est quam illius, vel non  
eiusdem crudelitatis est fure cuius gladio vi  
tam abrumpere. Ne igitur peste hac tanquam  
ciuitatis struma excecanda culpam crudelitatis  
suscipi putatore. Imò vero ita vobis vehemē  
ter persuasum velim, magis nos in patriam crui  
deles esse, cum vitam hominum parum ius  
ta vindicamus poena, quam humanos atq;  
lenes in homicidam, cum vitam illi donamus  
cuius quidem homicide gladius cum semel  
scelere imbutus foret penetrauit scelus illud,  
remissione poenæ, ad animi & medullas os  
suum: sitq; ut sceleratior sit multo homicida,  
quam futurus erat si actutum e medio fuisset  
sublatus. Proinde Deus ut pestem hanc de fi  
nibus nature humane extirparet, nihil metue

F ij

RIA



ens famam crudelitatis vno verbo edicere nō  
dubitauit, vt qui sanguinem hominis effudis-  
set, eius quoq; sanguis effundatur. Sed me  
in primis oratio cōmouet nationis equestris  
fortium virorum, à quibus sic nobis occurritur,  
quasi seueritate hac in homicidas exigen-  
da vel in longitudinem parū consulamus, vel  
exercitationem armorum omnino sublatam  
velimus. Quis, inquit, vel armorū presidio  
instruet se, vel equos nobiliores alere nolet, si  
domestice exercitationes iste, pœne seuerita-  
te, prorsus auferentur: nec enim obscurū esse,  
omnes ferē pacis amantes, vtrumq; dices sint  
et auro opulenti: inopia tamen illos laborare  
tum equorum, tum armorum: contra homi-  
nes haud quidem magna cum re, sed tamen  
inimicitias exercentes, dum ob pœne facilita-  
tem iniurias vlisci conantur, & ab equis eg-  
regijs & ab armis esse paratissimos. videas  
eos tanquam in excubijs perpetuo versari: nō  
illos inire epulas, non vīno indulgere, nō stra-  
tis vti mollibus: sed tanquam in bello ad oīa  
semper esse intentos: eat quis præter edes cur-  
su incitatore, pulset hostium insolentius, edat  
vocem paulo altiore, exemplo eos ad om-  
ne momentū esse paratos. Stat equus ad pu-  
gnam

gnam sella instratus, equus ipse semper occu-  
ratus, gladio & armis cū eius. Hęc vero ex-  
ercitatio quantum ad bella proficiat facile exi-  
stimari posse si quis ad belli illius memoriā,  
quod ad Bucouiam à maioribus nostris cū  
valachis gestum est, animū conuerterit. Ante  
illud enim bellum quiete vsi erant diuturna  
maiores nostri: ac (vt sit rebus secūdis & trā-  
quillis) luxu & voluptatibus sese dediderāt:  
armorumq; curam adeo abiecerant vt & ga-  
leis ad pullos educendos abuterentur, et reli-  
qua arma in vomeres conflarent. Itaq; cū et  
vacatione militie diuturna, & armorum in-  
ter se domesticorum intermissione, essent ipe-  
pti ad bellum, adduxerant se & suam existi-  
mationem, multo patrum suorum sudore &  
sanguine collectam, in discrimen magnum,  
cedere enim coacti sunt ei hosti, qui semp pa-  
tribus eorum cedere cogebatur. Quis igitur,  
inquit, non potius ferendam putet & hanc  
pœnam pecuniariam, & has deuinciationes  
hostilitatis longo vsu apud nos receptas: qua-  
rum obtentu iuuentus se tanquam prolixi-  
tibus exerceat ad bella in hostem exiturum:  
non enim sinūt nos hæc prælia domestica ocio  
torpere, non somno & voluptati operam da-  
re:  
F in

re, assuefaciūt iuuentutem nostram ad labo-  
rem: docent equis & armis optimē vti, adori-  
ri hostem, & cedere. vnde tandem fieri vt nō  
veluti ex vmbriis, sed ex magna exercitiij scho-  
la in aciem, cum opus est, progrediatur. Hec  
ferē est oratio equitum. Quibus ne ansam re-  
linquamus neue intercedendi sententię nos-  
stre, neue militaris exercitationis ac vsus abij-  
ciendi, opepretium fuerit de moribus aliarū  
nationum, quos vidi ipse & memorię man-  
dauī, narrare. Neq; enim exteri populi, pro-  
pterea quōd capite puniāt caput, putādi sunt,  
armorum curam, dum pace domi vtuntur,  
abiecisse: imō verō nulla tempora, quantū-  
uis quieta, sinunt vacua esse ab ea exercitati-  
one quę animos illorum instruat ad prelia, et  
ad seriam armorum tractationem. Habent  
ciuitates singule annis singulis certos & sta-  
tos dies: quibus ex omni vicinia homines in  
vnum confluunt locum: seque magistratui,  
quisque pro virili parte, tanquam ad bellum  
ituri, cum equis & armis omnis generis re-  
censendos sistunt: ludos instituunt: bellicis  
instrumentis varijs, non quidem ad vulnus  
sed ad speciem, certamina miscunt. Pars die-  
micant gladijs: alij contento arcu in scopum  
iaculantur

iaculantur: quidam balistarum bombardarū  
et excussibus certant, nonnulli singulari  
certamine concurrunt hastis. Sunt qui tan-  
quam prelium committuri, manu vtrinque  
facta, acies instruant, inuicem congredian-  
tur, & ipsas acies, pro re & loco, vel sistant  
vel conuertant. Interea seniores exercitum  
omnem lustrant: tabulas recensitionis quoran-  
nis conficiunt: capita conferunt vel de ratio-  
ne belli, vbi factio opus esset, gerendi, vel de  
sumptu sustinendo. nec desunt iunioribus ex-  
ercitationes alię, quorum partim cursu, par-  
tim saltu certant, partim exercent membra  
palestris, partim hastarum coniectu ac missi-  
li telo. Pleriq; id faciunt sponsonibus factis  
nonnulli ad beneuolentiam inter se comparā-  
dam. Atq; ita & animos recreant, & hac ex-  
ercitatiōe animosiores ad seria certamina red-  
duntur. Hunc quidem modum exercitati-  
onis, quis non meritō laudet? cum non fiat  
nec cum vite humane profusione, nec cum  
legis diuinę violatione: sed animos iuuentu-  
tis prepararet, ne, si quando eundem sit in ho-  
stem, perhorrescant, vel armorum vel vul-  
nerum vel sanguinis conspectu, fit enim ne-  
scio quomodo vt homines in vmbriis educa-  
ti, primo



ti, primo gladii aspectu, dum stringitur, dum  
micat, de statu animi subito deficiantur.  
Contra verò quis Christianum se profes-  
sus exercitationem istam apud nos receptam,  
et vite mortalium inimicam, & diuinis ius-  
sis repugnantem, non velit extinctam? Non  
est, Equites, non est ut aliquis vestrum spe-  
ret ad pugnam & bellum animum fortem se-  
allaturum ab impia ista exercitatione cum  
scelere coniuncta. Sequitur enim hominem  
ipsum scelus suum; conscientia malefici pun-  
git & mordet; accusat lex dei violata; mors  
terret; poenae inferni impendent; ultio Dei  
omni ex parte instat. Deo vero inuito, qui  
sperare possis vel fortem animum in hostem  
vel felicem exitum pugnae tuae? Velim mihi  
hi varijs casibus iactato, in acie sepe versato,  
credatis Equites, nihil in periculis adeundis  
animos meos vel crexisse magis quam recor-  
datione inuicem cum virtute à me gestatiū,  
vel retardasse quam si quid insolentius et pre-  
ter officium à me gestum meminisssem. ob-  
uersabantur ob oculos meos ea quae temere  
vnumquam, turbulenter, aut contra officium fe-  
cisssem dixisssem de. Ea quae animo meo maio-  
rem multo terrorem incutebant quam gla-  
dij cunctas

dij omnes, & plurima mortis imago. Hec  
ego expertus verissime vobis narro Equites:  
quae haud dubie plurimi vestrum sunt exper-  
ti: et qui non estis in acie versati, olim expe-  
riemini. Quis igitur, nisi à Christi religio-  
ne prorsus remotus, non preferat exercitatio-  
nem illam quam dixi exterarum gentium,  
huic nostrae quae cedere hominum constat &  
carnificina? Grauius sane mihi quidem dis-  
cisse videtur diuus Paulus, cum negat faci-  
enda esse mala ut bona eueniant. Itaque ut  
rem facere nemini non licet labore bonisq;  
artibus, non autem furtis aut rapina: ut liberis  
operam dare omnibus permittitur, sed ma-  
trimonii thoro sancto, non autem stupris aut  
adulterijs: Ita nequaquam animi ad aciem  
preparandi sunt cedibus domesticis & carni-  
ficina, sed honesta potius & legitima exer-  
citatione. Sed spero me iam satis fecisse E-  
quitum questioni. Spero etiam de poena ca-  
pitali in homicidas constituenda satis à me  
dictum. Finem igitur faciam dicendi si ad-  
didero, illud quoque ex Rep. esse ut poena cō-  
stituta, lege etiam caueatur de temporis, quo  
interficere homicidam liceat, ratione. cum em  
in cause cuiusque cognitione, tum verò ubi

Roma. 3.

G de cas

de capite hominis agitur cauendum est à cō-  
ca properatione. fit enim perlepe vt penes  
quem est potestas, ira aliāue subita animi  
perturbatione feratur p̄ceptus quo non opor-

*In tripar-* teat. Theodosius populi Rom. imperator  
*tita histo-* lege rogatu diui Ambrosij lata edixit vt post  
*ria lib. 9.* mandata principis per triginta dies supplicia  
*cap. 30 et* extrahantur. Hi si cui videbuntur iusti di-  
*C. ut de* es esse supplicio sumendo in eius sententiam  
*poenis . l.* facile discessero: neq̄ tamen impedio quò mi  
*si iudicari* nus vel pautiores sint vel plures, modò intra

eos legitima cognitio sceleris fieri possit: vt  
ne poena, ira ab homicida, aut alia peruersa  
cupiditate sed iusticia sola expetita esse vi-  
deatur. Sed de hac temporis ratione, facilis  
spero erit consensus, inodò concorditer de ea  
poena dicamus ad quam & lex diuina con-  
sentit & Romana & multarum gentium.  
Illi igitur sententię à generosissimo iuvene  
olim extra ordinem dicte acclamandam  
prorsus censeo: homicidiumq̄ cogitatum ac  
sponte ab homine priuato commissum capi-  
tali noxę deinceps habendum. Ad eam rem  
cū nos & officij nostri ratio, & populorū  
desideria diuturna, & homicidia temporis pre-  
teriti p̄ numerorum abusu in cōmissa, et Reip.  
tranquillitas

tranquillitas atq̄ salus, & ius atq̄ equitas  
cohortentur: deinde cū periculis mag-  
nitude, & perditorum hominum in genus  
mortalium sine modo grassantium licentia  
summa cogat planē & compellat, quid tan-  
dem quēo excusationis possumus asserere,  
quāobrem sanguinarijs istis, sanguinario edi-  
cto non velimus (quoad eius fieri possit) ere-  
ptam licentiam hanc interficiendi: an quod  
res (quod vulgò dici audio) partim Senatu  
discordie, partim nobilitate dissentiente, fa-  
cultatem minus habere possit? Ego verò in  
re tanti momenti subscribendum censeo sen-  
tentię iuuenis illius, quam prius dixi, vt, nisi  
res aliter teneri possit, promulgetur omnium  
ordinum sententijs viritim rogatis, vniuscus-  
iusq̄ capiti pro ratione sententię quam dixi-  
set legem esse perferendam. Profectò nemis  
nem fore credo, qui mortalem cū se recogno-  
tauerit, atq̄ adeò obnoxium neci expositūq̄  
velit suum ipsius caput pecunia solui. Sed  
non dubito quin multis partibus plures sint,  
qui studio Reip. ea quidem in re, in qua sa-  
lus hominum versetur, in sententiam nostrā  
sint ituri: vt deinde, vel sententijs numera-  
tis, lex f. gatur & sanciatur secundum hanc  
G ij partem



partem quę & numero præstet & pondere.  
Quid enim seuerius conuenit punire vitam  
an res furtim ablatas? templorum Dei atq;  
regiarum violatores, an hominum ad Dei  
immortalis diuinitatem proximę accedentis  
um, interfectores? Qd' si legibus Romanis  
conatus etiã hominem interficiendi argu-  
mentis certis deprehensus, capite plectatur,  
quam tandem putamus poenam homicide  
comparandam? Obsecrant id inopes vt cum  
imparati sint à pecuniã, equam secum perfer-  
rant poenam, ob scelus simile, homines nu-  
mati. Optant prohi omnes, ne tam vili salu-  
tem habeamus humanam, vt eam numis quã  
libet multis velimus venditam. Deniq; ob-  
secrat Res ipsa vt quam à maioribus nostris  
integram pulcherrimamq; recepimus, atq;  
ad hunc diem consilijs salubribus conserua-  
uimus, eam in hoc flore heredibus relinqua-  
mus nostris, licentiã hac ex numorum abusu  
su homicidarum compressa. Quem puta-  
mus vnum in plures homicidiorum poenas  
suffecturum, si capite caput persoluatur? ne-  
minem profecto. Atqui poena quę in usu  
est conseruata sufficet certe in tot homicidis  
orum poenas quilibet, quot centena marca-  
rum ius

rum numerare poterit: quotq; annos singu-  
lis homicidijs destinauerit. Quę igitur, ma-  
lum, ista stulticia est, non eam persequi pœ-  
nam, quę persoluta semel, omnem in perpes-  
tuum auferat potestatem hominis occidendi:  
pre illa quę immaniores homines reddat, atq;  
q; ad cedes faciat audatiores? Confirmant  
hanc poenam cœlestia oracula: confirmant  
multarum gentium mores ac consuetudines:  
comprobant ipsi exitus atq; exempla omni-  
um etatum, in homicidas diuinitus edita, ces-  
sante ab officio magistratu. Quę ipsa qui-  
dem talia sunt per se, vt etiã si nihil præte-  
rea congrueret: Tamen ipsorum inter se con-  
sensio summa grauissimum præiudici pondus  
& instar ad poenam capitalem indicen-  
dam habere videatur: Cum verò cum ipsis  
exemplis consentiant leges multorum popu-  
lorum: nobisq; clarissima præeant voce: an  
adhuc dubitamus quid sequamur? Addam  
illud, nescio quã recte sed tamen quia non  
raro accidit, addam, multos occisorum cog-  
natos eiusmodi esse, vt cum indignum statu-  
ant ob sanguinis communionem, sanguinem  
propinquorum suorum precio estimari, pror-  
sus abhorreant à poena pecuniaria ab homi-  
cidis repe

cidis repetenda. Itaq; cessante magistratu à  
pœna capitali, gladio ipsi vliscuntur eedem  
suorum sepeq; manu coacta virinq; con-  
currentes magnas edunt strages, vnius ho-  
minis caput vliscendo. Hi an non hoc ve-  
luti prœiudicio, significant quid velint con-  
stitui à magistratu? An igitur pecunijs tan-  
tum adhuc licentię permittemus, vt in homi-  
nes dominantur? vt sine modo grassentur in  
eorum vitam? an iudicia hominum iamdiu  
pœnam flagitio parem expectantium con-  
temnemus? an nostra & populorum salute  
tegenda non mouebimur? an non tanges-  
mur magnitudine periculorum? an Reipu-  
blorantis querelas & obsecrationum pro-  
cellas diutius feremus? Minime verò istuc  
quidē. Non id esset clementię Regis, qui pa-  
ter patrię, totius inquam, patrię pater & sit  
et nominetur: non authoritatis Senatus ad  
totius Reip. salutem constitutę: non ordinis  
equestris, qui cū memoria virtutis autē in  
Rep. polleant, non sanē vel maioribus suis di-  
gni viderentur, vel ad heredes veram no-  
bilitatem transmitterent, si ad perdendum pe-  
cunia genus mortalium consentirent: non  
deniq; populorum religionem Christi pro-  
ficientiū,

40  
ficientiū, quos cum princeps suus sanguine  
mercatus sit suo, ex equo quidem omnes, an  
non indignissimum fuerit, mercem tam ma-  
gno constantem tanullo estimari? Quid igi-  
tur agimus Rex inclyte & vos Senatores  
clarissimi? quid cunctamur Equites fortis-  
simi & vos optimi viri omnium ordinum?  
non adhuc propulsamus pericula tanta? ho-  
mines innocentes occiduntur: abstrahuntur  
ferro viri ab vxoribus, parentes à filiorum  
complexu, filij à charitate parentum: plan-  
ctu ac mœrore propinquorum non domus,  
non vię, non templa vacua sunt: cœdantur  
sanguine postes & foci: polluantur itinera:  
comminationibus & cēdibus inde ortis agri  
et totę prouincię refertę sunt: leges concu-  
cantur: vis regnat & pecunia. Quid igitur  
agimus? an homicidis locum adhuc relin-  
quimus in Rep. nostra atq; in numero ho-  
minum? videte ne nullus tandem Reip. sit  
locus, vbi tantę illorum licentię locus erit.  
Curate vt dolorem quo animi hominum iam  
pridē ardēt, magis seueritate animaduersiōis  
extinguamus, quā p̄postera lenitate inflam-  
memus: vt commemoratio nominis nostri  
magis in amore & laude hominum versetur  
quā



quàm in mœrore & fletu. Prouidete ne te-  
nuiorum hominum lacrimæ & gemitus mas-  
gis nobis irę diuine seueritatem impucentur  
quàm benignitatis illius clementiam. Ve-  
rumen turpissimum nobis est non cogita-  
re quid preces supplicum valeant apud illum  
iudicem ad cuius tribunal breui nos sisti o-  
portet. A te ille ô Rex & à nobis, qui ad gu-  
bernacula Reip. sedemus, reposcet rationem  
sanguinis per scelus effusi omnium populo-  
rum ditiois nostre. Nos sumus qui interfici-  
mus homines, qui parũ iuste punimus inter-  
fectores: qui tantam pecunie licentiam per-  
mittimus. Ac ne illud quidem in nobis est  
ut respectũ aliquẽ habeamus vel adolescentis  
huius nobilissimi cui sceptrum regni cõmisim⁹  
summo ordinũ cõsensu: vel minorũ nrorum  
quos in locis nris cõsiliarios illi relinquem⁹.  
Quid enim putatis illos, cùm Rempub. te-  
nebunt iudicatuos de pœna ista vsitata no-  
lite putare ut imitentur hanc nostram num-  
tationem. Quò enim sermones isti, pœnam  
receptam eleuantes, qui iam vulgo habentur  
ab illis quibus certe iuuenis ille studio pœ-  
ne seuerioris præcurisse iurandus est. Erit  
penetrandem, credite mihi, quę nũc latent ab-  
sorum

lorum sententię, in actum: consorabunt se cū  
principe illa voce: legem in es indicet à nobis  
neglectam: statuent pœnam scelere dignam:  
salutem populorum melius tuebuntur. In sum-  
ma, illas nobis à minoribus nris tacite (cū  
liberẽ loqui non audent) conditiones ferri pu-  
tamus, ut aut illorum sententiã præuertamus,  
dum rerum potimur, edictio nostros: aut certe  
ipsi, dum potestatem habebunt notam sum-  
me negligentię ac officij deserti in hominum  
cœde vindicada manibus ac cineribus nostris  
inurent, pœna capitali surrogata. Nunc po-  
testas nra est utram velim⁹ ut accipiamus cõ-  
ditionẽ. Ego quẽ laboribus infinitis & itinere  
rũ, & bellorũ, & negotiorũ, ut scitis, cū piqui-  
lis cõiunctorum, fractus: corpore ac viribus  
defectus: videre mihi videor diem itum iam  
aduentantem quo mihi sit ex hac vita migrã-  
dum, itaq; gaudeo occasionem nunc mihi da-  
tam de hac lege loquendi: ut priusquam im-  
perator ille sumus Deus de hac vitę et Reip.  
statione me discedere iusserit, declaratũ apud  
vos, remp. istam publicam voce nra, ac tes-  
tatum reliquam quid senserim: qui de tuen-  
da hominum vita sensus meus & status su-  
us: quod meum studium, quę voluntas. De  
quã vo



qua voluntate mea & Rep. gesta video mihi  
paucis diebus rationē dandā ante terribile illu-  
d iudicium iudicis summi. Vos videritis, qđ  
eō cū eritis citati, possitis, pro se quisq; re-  
spondere. Sed iā festu: sum dicēdo, vti nā ve-  
rō nō frustra sit hoc à me factum. Sic igitur  
breui habete, si fecerimus concorditer, quē di-  
xi de homicidiis ē mediō tollēdis, & Deus  
opt: max. augebit Rempub. nostram, orna-  
bitq; in qua scilicet tantū fuerit imago illius  
quantū meritō fieri debet: & animos populo-  
rum nostrorū sic nobis hac re conciliabimus  
ad beneuolentiam vt qua maxime: & pace  
domi constituta paratiores erimus aduersus  
externum hostem: & hanc Remp. trademus  
florentem heredibus filiisq; nostris: & cū  
dies ille supremus vnicuique nostrum illu-  
lucescet gaudebimus preclaro hoc fa-  
cinore, atq; Rep. recte & ex  
Dei sententia adminis-  
trata.

DIXI.

## NOBILI ET GENE- ROSO PVERO ADALBER-

to Lascio Rithuanij & Castorij de mi-  
no, Hieronymi Siradię Palatini  
viri illustris filio, An-

dreas Fricius  
S. D.

QVI veniunt ad nos abs te, Adalberte  
Lasci, predicare solēt magna cū volu-  
ptate nostra indolem tuam & studia recta  
in quibus diligenter verferis. Quod & si no-  
bis, qui te & mores tuos olim cognouimus  
nouum non est: iucunda tamen nobis est cō-  
memoratio tui: quē heros ille Hieronymus  
Lascius vir omni re magnus hanc vitam de-  
serens, vitam animi et corporis sui imaginē,  
nobis reliquit. Cuius quidem viri patris tui,  
cū in hoc libro attigerimus virtutes quas-  
dam, voluimus eum mittere ad te, vt illud ti-  
bi ob oculos sepe ponas insistēdum tibi esse  
vestigijs paternis si heres illius & esse velis  
& verē videri. Non enim ad otium natus  
erat pater tuus: sed ad opera virtutis ardua,  
operosa, & preclara. Quibus quidem ceteris  
tractandis



tractandis & efficiendis aptus non erat futu-  
rus, nisi à primis tēporibus etatis ijs artibus  
studuisset, quibus ad virtutem fingeretur.  
Quamobrem & tibi Adalberte incumben-  
dum est exemplo patris ad studia literarum:  
quibus hæc etas tua ad humanitatem infor-  
metur & honestatem. Sed habes domi tue  
formatorem morum & studiorum tuorum  
virum doctum: quem nō dubito tibi ea pro-  
ponere quę olim profutura sint ad omnem  
vitam. Tamen si autem nunquam occasio da-  
ta erat patri tuo de lege homicidij dicendi in  
Senatu: Tamen si qñ res tulisset, non dubiū  
est, pœnam quam scripsi suasurum fuisse.  
Audita enim mihi est illa tanquam cygnea  
vox clarissimi viri prius quā ex hoc mundo  
migrasset. Habes Adalberte in hoc libello  
nostro quędam quibus teneram etatem tuā  
imbui non fuerit inutile: Quę poterit magis-  
ter tuus, vt commodū illi fuerit visū, tibi pro-  
ponere & commonstrare. Erit autem gratis  
tudinis tue et libellum hunc in bibliothecam  
tuam recipere, & authorem eius eo in nume-  
ro habere quo decet familiares parentum ha-  
beri à filijs bonis, heredibus non tantum nos-  
minis

43  
minis & possessionum, sed & virtutum pa-  
ternarum & recte factorum. Dñs gubernet  
istam etatem tuam, ijsq; rebus imbuat, qui-  
bus olim & Reipub. vsui esse, & in mu-  
nera patris tui crescere possis. Vale.

Calēdis Februarijs, M.D.

XLIII.



Cracouię per Hieronymum Vietorem:

Anno Domini. M. D.

XLIII.

ALBION: UNIT.



AGELLONCAN



# ERRATA SIC EMENDA

Quaternio.	Fol.	Facie.	Versu.
+	4	1	26 re uolui
A	1	2	20 exatatos
	3	1	2 Regis
	4	2	10 tribuo
C	2	2	2 constitutā. Soli ho
	4	1	ult. exemplar Dei
	5	1	16 inadunt
			18 persolucndo. Sic
B	3	2	12 spe. pro fiducia
	4	1	8 occidit
	5	1	15 occidi
		2	10 cneſti
			12 utantur
	6	2	5 facere, lege, ferre
	7	1	15 strum, & ad homi
F	2	1	ult. naturæ
	2	2	10 nolet, lege, uolet
	3	1	5 Bucouinam
			13 armorum
	4	1	25 cōſpectu. Fit
		2	14 uerò

Cetera ſaale, ſi quæ erunt, per te emendabis.



